



序

古稱三立以立言為次之
次非謂易也蓋難之矣夫
言也者身之章也苟非德
與功並懋是欲其木之實
而披其根流之遠者而塞





P2

不知文者視其人吾非知
文者嘗觀其為人也其神
閑其志定休乎其容浩然
其氣抱忠孝之真寓和平
之意舉凡窮達得失好惡
是日一不足以累其心空

空乎洞洞乎行所當行止
所當止其為文也亦若是
焉已矣殆所謂根深者木
茂源遠者流長與今者曳
履

朱門馳情丹壑即抱終焉之

志難辭則駕之時德乎功
乎與言並永稱曰不朽其
在斯乎其在此乎
壬辰中秋前三日

上清掌籙秀水楚師序

序

丙辰之歲余得晤省齋於
許氏之拜雲樓時方在蒹
葭白露中結山榛隰蒼之
想余每欲導之以返本歸
真而省齋意在有所建豎

以報

知遇固匆，未能也。嗣後入
都，席藁行李蕭，旅店頽
垣，江干潦漲，以至銀錯，圜
土風雲，邊城余每默左右
之，而省齋不知，唯與親友

談詩論文，或從方外探元
論道時，每津，余不置。夫
桑門不三宿，桑下余方外
也，寧獨私憐，於省齋亦
何為者？大抵天地間，唯此
忠孝至性，動天地而感鬼

神省齋其有以感之矣詩
 文在閩中作者多余所鑒
 定其在留都及京邸之作
 古夫彙編之纂余亦嘗寓
 目焉大抵字之根柢子臣
 弟友血誠非獨揚鑿藝苑
 樹檝騷壇而已人情貴遠
 賤近後之君子讀其所著
 述自有擊節嘆賞甚且有
 扼腕思一傾倒之而不可
 得者何俟予言

嘗

康熙癸巳陽月之吉

九天府掌籙錢塘喬逸

人題

序

自古勞人志士遭時坎壈
其抑塞磊落之氣無所表
見往々發而為文太史公
稱虞卿非窮愁不能著書
而昌黎亦言柳子厚斥不

久窮不極其文學詞章必
不能自力以致必傳於後
設以彼易此則孰得孰失
必有能辨之者同年陳省
齋先生間關塞外十有餘
年蒙

恩賜環

召入禁近侍

誠親王殿下輔導先後以文

章為職業先生於是研精
覃思撰集類書三千餘卷
牢籠三才囊括萬有此書

成於以藏之名山傳之其人洵不朽之盛業矣茲松鶴堂集若干卷則先生平生宴游寫懷述事與夫揚摧古今衡論人物之作俱在其辭宏博奧衍疏暢扇

達而於君臣朋友之際三致意焉憤激而不怒怨誹而不傷其愛君忠國之思倦乎若有所不能一日舍然者蓋余循環久之不覺慨然而歎也夫同一事親

也徐庶之奔母君子不以
為不忠同一事君也趙苞
之破賊君子直謂之不孝
勢有緩急情有重輕未可
執一而論也當耿逆畔先
生之父母俱被幽繫與其

慷慨潔身不若委曲以報
國於是招說客結死士離
其腹心潰其黨羽屢間道
遣使密陳方略阻於兵不
得達賊平論定豈曰無功
而乃吏議見侵謫書莫辨

投荒萬里飲血十年久之
公論大白於中朝孤忠上
回於

天聽玉門有生還之

詔梁苑邀特達之知晝接便蕃
寵錫優渥雖宣室之疇咨

平臺之轉對苦心調護裨
益弘多而先生則已息影
杜機不交人事惟日事鉛
槧以文章報知遇而已矣
古之君子或建功於當時
或立名於後世一也先生

負間出之才鬱々無所試
自經憂患學益老識益深
洞視萬古立言垂範設使
先生都顯榮享高位或且
驅走權勢何暇以餘力從
事著述即或自附作者其

所著述亦必不能卓々如
先生之所成也然則先生
之不遇何足患嗚呼此韓
公所以致慨於彼此得失
之間有以也余與先生交
窮久知窮深既幸其志節

之晚得大白而尤喜其文
之必傳於後世也世有桓
譚必以我為知言矣

婁江年弟王揆頓首拜撰

松鶴山房文集序

從來慷慨就義易委曲調停難委曲調停易始終善
全難蓋潔躬行已遇難殉身以顯高節者微特士君
子能致命以遂其所志雖婦人女子感一時之憤發
激烈之情者亦皆能之至于外險內順境逆心亨顛
倒是非而不顧抑鬱情懷而不伸良工心苦則有難
以語人者也雖然天下事亦有心為之而為之固未
必能終其事者即終其事矣而未必究能成其功者
果能心為之而不計迹之顯晦名之全虧而竭智力
之巧運萬全之奇始終籌畫務底於成是又不僅於

委曲調停已也若此者吾獨於省齋先生見之焉先生負不世之才英年掇高第素履文章爲京師爭重癸丑秋八月告假奉親歸里明年三月遭耿逆之變父母兄弟舉家盡被幽繫在先生自處何難殺身成仁而先生識見高遠預知耿逆之必敗與其徒死無濟於事孰若委曲報

國

全父母兄弟以成功於是招說客結死士離其腹心潰其黨羽遣使間道密陳方略竟阻於兵未能直達是天所以困先生也及賊平論起吏議見侵謗書莫辨反致投荒萬里飲血十餘年天之困先生者蓋至是而窮哉乃久之公論大白孤忠上

蒙

賜環

入

禁
庭侍

皇

三子殿下輔導先後以文章爲職業先生學博而精事簡而當善體人情曲盡物理覃詳研思撰集彙編三千餘卷剖裂三才囊括萬有自漢唐以來未曾有而復以忠孝節義之懷散而見之於篇什若松鶴山房詩文囑余爲序者余讀之知先生之心與行矯矯

宇宙間使執筆時惟知序先生詩文而不能悉其委
曲始終之大概所謂讀其書不知其人可乎至於集
中凡目之所睹耳之所聞足之所履意之所及或歌
或泣或嘯或狂見之者未有不知其爲淵珠畹蘭終
有不能湮沒者又何俟予之贅語也嗟夫英雄退步
俯仰隨人磅礴英華憂憤所積先人而憂後世之懼
傷心淚落何一非至性所鍾若夫遯世無悶樂天知
命是又在先生之自處則余所不能測先生矣余何
能爲斯集序哉長白弟能吉圖拜書

松鶴山房文集序

司馬子長游覽名山大川而後成一家之文文者心
之聲也行乎所當行止乎其所不得不止非開拓其
心志則氣不振然山川者天地之恒象也人生而不
閱乎窮通憂樂榮辱死生之變則其識不堅凡欲養
其氣廣其識要非治心不能 省齋先生向脫西曹
單車就道吾兩人判袂都門俱壯歲二十年後復聚
首長安顧我貧病衰老幾不可復識而先生亦修髯
玉立頗不似當日尪羸纖弱之狀握手凝睇旣悲且
慰坐我半圃齋中撫今感昔暇日出別後所爲古文

辭若干卷見示疏啓策論序記箴銘騷賦體例該備而行文如江河浩瀚一碧萬頃何氣之雄也根柢經史條貫百家上下四千餘年成毀利鈍如視諸掌每決一策皆可起而行何其識之堅也綜覈名理研窮品彙細之入無隙大之彌六合又何心之精也無他先生居山陬海澨六千里而至京師出關復數千里激昂窮邊絕塞其間名山大川較之子長所歷奚翅十倍弱冠卽以能文顯名南國通籍金門慨然以斯世自任未幾遭世多故舉家三十口坐困巖城老親穉弱惴惴啼號而讎人虎視一歲瀕死者三四孱焉

瘠病介乎兵刃之間而得當報稱之思百沮而不撓幸而事定則又心跡難明銜哀緩死其所閱歷貧賤以之通顯百死而得一生舉凡史冊所載遭遇之奇功罪之致無一不身親而備嘗之故能言之鑿鑿又何疑哉人情履順而席尊寵則不期驕而驕至及乎榮辱得喪則尤怨生焉驕且怨和平之音斯鮮矣先生境遇皆極人世萬不能堪者而其文一無哀厲衰耄之色倘亦所謂窮而益工者耶是蓋不然先生少而壯壯而老榮而辱窮而達而其心之所存內則痛衰白之在堂上則感

知遇之莫報宛轉於死生呼吸鋒刃猜忌之餘隱忍於幽囚斧鉞屈身毀行之辱卒之荒徼孤蹤授徒講學空山卜築盡室勤耕時與黃冠野老量雨課晴所求惟出世外身長存久視之道今奉

召南旋入侍

邸

第不特置恩仇失得於度外卽身家之計亦不過盡倫樂天以期順時觀物一切榮悴毀譽曾無足以動其憧憧之往來者心體大定以養其氣而浩然廣其識而凝然發爲文章若川岳之流峙雲霞之卷舒文行而志明文止而意無盡讀者毋僅攬其問學之廣淵才華之富瞻實可以考鏡其行事想見其生平是有待於知人論世云

南蘭同學教弟楊文言拜撰

序

閩爲東南都會控引大洋襟喉崇嶺山川磅礴委積
近古以來雖代不乏人實未足以盡扶輿鍾毓之靈
煒自髫齡知省齋陳先生爲海內所推重至己丑仲
夏始獲晉謁仰瞻丰範敬承誨導始知數千年山川
鍾毓之靈今見其真矣先生於甲寅給假旋里陷於
耿逆賊脅以父母親族追求附已托病閉門始終不
屈日夜圖謀竭忠盡智糾合同心離間逆黨耿逆由
此窮蹙投誠逆黨挾恨冤誣致謫留都及戊寅
東巡召對竟日深明其冤載之還都命侍

皇上

誠親王出入宮闈

宸翰

御物累賜無已如松高枝葉茂鶴老羽毛新之聯尤爲炫人耳目每奉

溫綸

恩賜輒喜而不寐蓋先生素以天下爲己任喜其道之得行也至今雖未立於廟朝而屢有幹旋乾坤之力所學浩浩無涯往古之書皆已讀之矣凡有關於道統治化象緯典制者悉考訂爲彙編爲卷三千六百有奇至此集十二冊則皆平昔盱衡今古與夫往返唱酬之作其中籌策陳謨盡發於天時人事之先立言建議一振以大呂黃鍾之節匡濟之具亦時見

一班焉嗟乎先生之心天地不熄之心也先生之言聖賢不易之言也煒也何幸獨得捧讀不敢妄爲之叙謹識斯言以誌不忘

峕

康熙己丑秋仲奉天同學弟李煒拜撰

序

余讀省齋先生騷賦詩篇古文詞諸作不禁悲慨交集憤懣煩結當食而不下也夫古今之作者衆矣事物外至之華容或得施其矯飾至於性情之際則有斷然不能以僞爲者蓋人之言本諸心出於氣著於詞心正則氣足氣足則詞暢是故聖賢之言經而則儒者之言醇而藹豪傑之言壯而激其麗而典博而肆者文人之言也而圓而辯而譎而刻而戾而訐似直而實枉似通而實窒者策士奸人之言也察乎其心視乎其氣徵乎其言而其人之一生一死瞭然矣今觀

先生詩文語語性情根心忠孝纏綿愷摯篤於君親
慷慨激烈之氣可以貫金石動鬼神而迺心跡莫白
橫被惡名竄處窮荒履冰且慕風木有懷痛隔萬里
舉人世不幸之事而皆萃於一身此余所爲悲慨憤
懣深疑彼蒼之難問也聞嘗細究先生得罪始末事
由同列某某方賊勢張時某某以欲仗策軍門籌於
先生先生呵止之造膝三日密謀反正先生以爲耿
逆背

國

違天雖強易弱且其羽翼不過數人吾今在內當令
自相疑貳解散黨援爾家去賊遠蠟表易達請師

天朝

間道直入破賊不難丈夫卽死死國耳蓋是時賊有
謀士某先生已深結納爲用逆宗解體海帥爭地皆
有可間之隙故先生云云某某尚恐不勝禍叵測先
生誓以一家殉之約始定某某歸而猶豫旣見先生
計行賊勢日削促膝之言無一不售遂懷媚嫉之心
又以仗策前事爲嫌間關通表不列先生姓名密謀
請師之舉壅於

上

聞未幾閩境底定某某以通表之故不次進階先生
則以

詔

獄逮矣某某懼先生之終泄其事甘言疏護面諾背

違下石飛矢罔遺餘力至謂先生不能死賊爲憾嗟
乎人臣處國家畔亂之秋獨秉孤忠見危致命爲一
己名節計至便也若才足有爲徐圖進取隱忍依人
權以濟事壯繆見禮於奸操朱序啣命於符堅嗣後
三分佐蜀一呼敗秦載美史罔身名俱全君子尤有
取焉且當耿逆始亂之日縉紳士族風偃茅靡援圖
讖謀推戴者比比皆是先生以一文弱書生抗言不
拜引疾辭職斯其堅立固已卓矣况又陽託杜門陰
用反間離其腹心挑釁強援率之鄰敵外攻逆黨內
潰

王師得乘鷁蚌之勢長驅入關賊徒窮促面縛自歸幽
穢旣滌日月復光先生三年報

國之心謂可釋然而無餘憾矣功高不賞大罰隨之寃
繫窮年卒就嚴譴在昔吳曦之變楊巨源糾合死士
潛圖舉義不旋踵而誅曦其功雖爲安丙所抑身死
其手然自源之後壯夫激立艸野搯扼投匭上書公
論以定賜廟贈諡慕義無窮先生被繫日久事益著
舉朝咸知其寃無有一訟言於

廷者以至

天聽未回臣衷尚隱鬱鬱壯懷沉淪關塞豈非幸則爲

巨源不幸則爲先生幾何不令人悲慨憤懣當食不
下哉故余嘗謂先生策甚祕功甚奇心甚苦而受禍
則甚酷猶幸詩文寄託得以備徵忠孝之情又復靳
不示人引咎自責無幾微怨懟見於顏面然後知先
生志氣清明學問深造近且閉戶著書銳意聖賢之
業無論文人儒者之名非所樂受卽就先生行事目
以豪傑亦淺之乎知先生矣先生擬騷之作逼似靈
均賦與古風頡頏魏晉近體宗初唐擺脫凡俗長篇
排律規模少陵古文縝整浸淫班范二公間世固有
能辨之者余不具論特著其表表大節以附篇後云

峇

康熙丙寅歲仲冬同里後學黃鶯來謹序

序

世界文字不從人倫上着眼皆第二乘 省齋先生
曠世奇才遭時不幸有

君而 忠不得達有親而喪不得奔戀

君慕 親滿腔熱血皆於詩文發之吁 先生今日幸矣

君知 先生矣

誠 郡王賜詩有詩感帝王心事白之句豈獨先生感激

皇恩 鄉之人老幼歡呼以爲覆盆孤臣得見天日先生戀

君之 心庶幾無負也鄉之人更翹首

天家 放先生假歸稽首二老墳前再歸

闕廷

鞠躬盡瘁先生慕親之心應再快乎吁此鄉人不知

國

體之言先生尊人知大義生前惟以先生不得見

君為

憾九泉中得

賜環

之信自當瞑目先生即未得稽首墳前亦可無憾也

余更有進焉先生全集悲歌慷慨直上追古人然皆不得志之作今日處安履順効力

內

廷當必有如七月之獻一德之陳以上報

國

家庶於人倫中作和平文字更為上乘也野老不知

文區區私願果有當焉否也

康熙庚辰三月同學弟林皦拜題

璐以樗櫟孤根浪跡海外讀

先生之文耳

先生之遇感嘆之懷形諸寤寐思一

謁見末由也辛卯孟夏乃得謁

先生于松鶴山房

齋聯

王

宮離暢春苑五里許榆柳千株清流激湍映帶左右

珍樓傑閣縹緗萬疊蓋

誠

親王結構以居

先生者也

先生弱冠而掇巍科

蹊步而登中秘才名風度已蓋一時續以奉親歸里

履蹈危機卒能為

國

竭誠

君親不負雖遭困阨而

聖主

特達之知千秋無兩四科則仰止其三五倫而獨優其四乃知天厄先生之遇正所以成先生之學也故能使曾藏萬卷筆絕纖塵其爲文如水立山飛如天高海闊如珠聯璧合如雪舞雲翔庾子山之哀詞愴神駭矚江文通之別緒蕩魄銷魂者矣若夫琢詞鍊字則體合於自然適意遐思則破啼以爲笑託隱諷于微言不失溫厚和平之旨終揚風而訖雅莫非忠

君愛

國

之心真屈宋之精華非僅班揚之瞻麗也雅頌風騷之後惟見此集真足以黻黼

皇猷

羽翼聖經大哉言乎璐安能測其涯際哉

溫陵後學諸葛璐拜讀於金臺旅次

松鶴山房詩集卷之一目錄

四言古

題寧海將軍底定全閩圖

五言古

乙卯擬古十九首有序

西郊雜咏二十首

寄答李厚庵百韻

戊午春入都請罪施介平又韓追送江干詩以謝之

華嚴嶺

鄭肇修先生移居適以筆頭命書因賦短章寫其高致

贈燕臺張翁 有引

黃叔威以古詩八首見贈擬古妾薄命以答之

治蔬卽事

送孫嘯夫和畱別原韻

題畫

爲顧宗伯題畫三首

有所聞

贈李銘原

辛卯春抱病銘原親治羹以餉余令兒子往拜謝此後不敢當因賦此示之

半圃八玩詩

四望車

續繩轡

刪煩榻

不動几

讓領冠

蟹目鞮

九罭被

支足盆

四言古

題寧海將軍底定全閩圖八章章十句

寧海將軍奉詔征閩三年而八郡用又婦子盈寧。

耕桑不擾物情既謹頌聲爰作其詞曰

於皇上天眷茲南土崧岳萃精爰生申甫累葉崇勳。

旂常鐘簋忠勤保世式廓洪緒載輯海邦丕奠爾宇。

其二

維此南國敢踵鬼方實戾作狂式拒顏行。

帝曰念哉元老其勳取殘柔遠克惠母戕保茲黔首撻伐。

用光。

其三

元戎稽首稟製造。征鉞矛旣瑩。彤弓旣弮。如熊如螭。如震如轟。匪棘厥庸。匪耀厥聲。是保巨憝。攸平。

皇仁。

其四

虎臣矯矯。獻馘獲醜。元惡來思。稽角泥首。欣此髫髻。慶及黃耆。有粢盈簞。有漿盈缶。王師勞止。式餉毋後。

其五

百粵旣通。嶺表攸同。息孽滋癰。狡侵我墉。塹堙櫛沐。陟彼龍巖。匪缺我戕。匪挾我弓。羣醜宵奔。爰奏厥功。

其六

川岳效職。永奠南溟。飛鶚革音。爰憩我庭。疆圉是清。婦子是寧。銍艾胥登。黍稷維馨。爾牧蕃庶。樂彼郊坰。

其七

鴻鴈于飛。中澤爰止。饗饗斯懲。瘡痍斯起。懋遷載途。禮讓敦只。我蠶我筐。我牢我豕。擊鼓吹豳。嘉會燕喜。

其八

皇仁。

松。鶴。山。房。詩。集。卷。之。一。五。言。古。詩。一。
閩山蒼蒼閩海湯湯我公之勳既溥且長公歸稽首
孔彰。秬鬯圭瓚永錫嘉祥頌聲載賡奕世彌昌
得一道人曰此等聲牙藻繪俱非所宜淳古淡泊斯
近二雅貌古者不知也

陳世承曰本領從三百篇中來故自深厚不當于
字句中求之

五言古

乙卯擬古詩十九首 有序

蓋聞陳思才誇繡虎規七發以咀華江郎筆豔奇
葩綜百家而擬製鮑明遠代新詞于樂府班孟堅
演舊體于連珠皆想逸風雲情閒翰墨故能移官
變羽廣陵復覩遺音異曲同工白雪不為孤響者
也若夫舒幽寄惋促節繁聲複綜其詞乖迂其旨
義雖始于三百篇調實新于十九首彼其古柏白
楊痛甚於湘蘭沅芷黃姑織女望深於北斗南箕

遊仙異郭氏之虛真飲酒豈阮生之晦迹泣鬼神
于長夜飛霜雪于毫端所以冠冕五言權輿百代
寄遠懷人資其香草閨情古意掉彼波瀾他若陸
平原倒海雄思韋應物焚香清興間或摹範未覩
超羣豈鬻工絕世苧蘿獨標窮巷之姿抑情感由
中雍門難作無心之泣歟嗚呼姓名隱矣懸隔日
星陵谷遷歟鏤貞金石遂使寡鵠羈雌聞聲愴類
孤臣怨客觸緒銷魂飛將軍冠髮指天數奇何恨
李少卿刀環委地一當難言子形疑碧何辭碎樂

器以捐軀備隊後軍自可呼敗師而脫足所痛者
王陵身非漢地郝普責異專城哀趙苞之八口事
難遂于龔生病摩詰之二三年恨不殊于崔篆覆巢
奚惜方寸何堪填海徒勞虞淵無路望薜蘿而不
見指河水以爲盟西江汲遠神傷涸轍之魚北極
雲深夢斷上林之鴈蠟書旣阻恨賦徒然未暇庾
信之哀江南且共屈平之悲往日膏沐誰容何事
鏤金錯采朽苴恨晚慙言酌雅揚風旣愴河山之
殊不禁邯鄲之步但惜迴文錦就誰迎蘇蕙之車

本。宿。山。房。言。集。卷。之。一。五。言。古。三。
縱。使。遊。學。蹤。還。孰。甦。紫。玉。之。魄。歌。以。當。哭。留。碧。血。
於。他。年。古。直。作。今。續。騷。魂。於。往。代。云。爾。

得。一。道。人。曰。字。字。血。淚。觸。手。珠。璣。其。上。下。千。古。皆。經。
設。身。處。地。然。後。落。筆。非。局。外。人。所。能。輕。爲。軒。輊。也。
黃。叔。威。曰。鍊。詞。琢。句。已。極。精。工。而。其。氣。雄。邁。迅。逸。
如。天。馬。趨。趨。絕。塵。躡。影。不。可。名。狀。

行行重行行

高。樹。動。悲。風。行。子。怨。離。別。握。手。訂。歸。期。與。君。未。永。訣。
浮。雲。蔽。白。日。光。景。倏。明。滅。關。河。阻。重。深。寒。威。多。雨。雪。

欲。濟。無。津。梁。吞。聲。自。哽。咽。歲。月。已。悠。悠。懼。君。不。我。屑。
飛。鴈。逐。風。翔。行。轅。有。還。轍。努。力。強。加。餐。相。期。未。忍。絕。
得。一。道。人。曰。自。傷。自。慰。一。往。情。深。音。節。確。在。東。西。京。
之。間。

青青河畔草

離。離。萬。丈。松。青。青。兔。絲。草。兔。絲。附。長。松。托。根。自。美。好。
結。髮。與。君。知。相。要。以。終。老。何。當。一。分。手。棄。置。在。遠。道。
道。遠。自。相。違。非。君。不。我。寶。中。夜。常。涕。零。憂。思。不。可。掃。
相。見。應。有。期。安。得。辭。枯。槁。

李亦庵曰妙在相諒不似熱中一味潑罵

青青陵上栢

巉巉崖下石。鬱鬱振喬柯。枝幹上干雲。結蓋自摩挲。
巍巍新宮闕。百雉聳嵯峨。甲第互長虹。擁節復鳴珂。
金張連羽蓋。許史互經過。繡轂錯朱輪。夾道擁笙歌。
來日常苦短。去日常苦多。得志在一朝。不樂復如何。
喬大師曰與魏武短歌相伯仲

王方穀曰一絢絲亦自有見

今日良宴會

佳會難再遇。置酒在高堂。翩翩貴游子。列坐飛瓊觴。
天天桃李姿。顧盼生容光。清歌發皓齒。妙節協笙簧。
同心諧所願。慨慷殊未央。人生貴適志。戚戚何所妨。
行樂當及時。此意未可忘。

喬大師曰說得極豪華終以淡筆妙妙

王方穀曰會得古人意思全在起結處

西北有高樓

青樓當大道。高入浮雲端。繡戶間朱扉。翠幕玉闌干。
樓上有佳人。長嘯氣若蘭。援琴奏清商。苦調寡所歡。

飛鳥不忍鳴。行道爲辛酸。曲終悲未竟。對案不能餐。
胡爲自局促。矢志各有難。知音良未易。中夜獨永嘆。
喬大師曰。不啻江上峯青。

得一道人曰。頓挫入古格調之高。可與知者道。

涉江採芙蓉

叢桂南山岡。隨風香自遠。採之遺所思。白日忽已晚。
道路阻且長。常恐芳馨損。桂樹多苦心。素交恃貞悃。
江湖行路難。驅車仍復返。

王方穀曰。奇矯無前用意亦別。

黃叔威曰。章短意長。旃檀片片如此。等作求之。古人亦不可多得。

明月皎夜光

涼風掃庭柯。玉露紛已盈。秋月自揚輝。河漢互空明。
洞房枕席冷。寒蛩向我鳴。念我同心友。憂思常苦并。
金石豈不固。寒暑移爾情。憶昔握手歡。恩愛若同生。
願君貞初志。努力全令名。

黃叔威曰。清曠之懷。貞介之操。風馬水車。無此峻

響

冉冉孤生竹

幽蘭在空谷。馥馥吐奇芳。宜充君子佩。柰何棄路傍。
良人遠行役。各在天一方。道遠不可致。採取將何望。
秋風動地起。百草委嚴霜。馨香難久恃。引領情內傷。
黃叔威曰。香氣馥馥在十指上。

庭中有奇樹

嚴冬陰氣肅。寒風鳴樹枝。庭前有丹橘。朱實何離離。
傲然霜雪中。獨秀見奇姿。偏疑地氣暖。造化不無私。
珍重襲藏之。聊以慰所思。

王方毅曰。別具心眼。橫絕古今。

迢迢牽牛星

秋至夜何長。憂來孰與語。攬衣步空庭。搔首徒延佇。
牽牛處河東。河西閑織女。雲漢爛清光。佳期渺何許。
永夜遙相望。誰云應共處。引領東方明。心煩無復緒。
黃叔威曰。激揚發越。繞梁餘音。

迴車駕言邁

驅車郭門外。徙倚聊消憂。仰視浮雲馳。俯觀江水流。
志業縱有待。壯陰不我留。奄忽霜露至。零落歸山丘。

立名恥不早，偃蹇昔所羞。返駕掩重關，中心思若抽。
黃叔威曰：氣滿骨堅，壯懷磊落，中宵詠此，輒覺唾

壺欲碎。

東城高且長。

代馬嘶朔風，晨風鬱北林。物理感必應，聲氣自相尋。
燕趙有佳麗，清歌橫素琴。心煩多亂曲，柱促多苦音。
忽觀鴻雁飛，接彼北山岑。願言傅爾足，寫我萬里心。
逸翮杳冥冥，涕雨獨沾襟。

王方穀曰：接得奇幻。

黃叔威曰：左顧右盼，如見曹劉。

驅車上東門。

步出東門外，古塚荒草驕。殘碣臥青苔，松風自蕭蕭。
幽室闇無光，遊魂不可招。疇昔強盛時，結駟復聯鑣。
流光如電摧，潛寐不復朝。壯志無有極，形化終寂寥。
哀彼勞勞人，長使我心恟。
喬大師曰：莊子達生篇化出。

去者日以疎。

死骨日以朽，壯顏日以醜。造化爲洪爐，萬物爲芻狗。

百年同一瞬。豈復論先後。自非金石堅。安得言悠久。
達士貴長生。形神自相守。冥心歸太虛。天地與同壽。
遺世如浮煙。得失復何有。
喬大師曰。神仙縹緲之機。恍惚紙上。
得一道人曰。是个中人語。

王方穀曰。便欲擊碎唾壺矣。

黃叔威曰。妙語可入。參同真是骨。戛青玉手探朱

霞也。

生年不滿百。

神仙不可學。羽化無畱形。乘風遊太虛。此事終杳冥。
藏精營丹鼎。蒼鬢忽已星。吾聞飲美酒。可以制頽齡。
永日恣揮觴。沉醉勿復醒。

黃叔威曰。達處如柴桑。

凜凜歲云暮。

驚風起四郊。陽光將西匿。雨雪紛霏霏。思君何惻惻。
德音已相違。夢想見容色。潔饌進盤飧。願君強飲食。
陳說苦別難。君爲我嘆息。雞聲入我夢。一寤何由得。
涕泗下滂沱。憂思不可極。啼鳥中夜飛。恨我無羽翼。

得一道人曰繁音促節不堪多讀但覺紙上悲風瑟

瑟

王方穀曰寫夢入真繪空鏤影

黃叔威曰比沈休文夢中不識路何以慰相思更

具深情

孟冬寒氣至

嚴冬變氣候寒威何凜冽嘆息念征夫無事久離別
昔別君有贈素絲皎如雪絲紛猶可治素質不可涅
縱無塵垢污斑斑淚如血起坐擁重衾挽作同心結

願言藏懷袖藉此明高節

黃叔威曰格調俱古

客自遠方來

客自遠方來遺我連城璧願我以堅貞勗我以清白
疇昔與君知抗言談在昔陰陽有代謝情性弗可易
山川中險艱與君成阻隔此言猶在耳此志寧有斃
爲我謝故人我心終匪石

王方穀曰烈日秋霜寒泉介石

黃叔威曰老氣縱橫深入化境

明月何皎皎

明月何皎皎。虛室延清光。長嘆至雞鳴。獨起心徬徨。
天狼耀其精。弧矢不敢張。河漢已西逝。北斗忽低昂。
愁思不可極。涕泗沾衣裳。引領天已曙。佇立望穹蒼。
喬大師曰十九首之古詩亦偶也因其光怪陸離奇
思磊落後人不能蹈其尺武即謂之古詩十九首
而已然有古詩十九首可以無今人之十九首而
有古詩十九首又不妨有今人之十九首今讀先
生之十九首又可不必古人之十九首嗟夫人各

有心孰謂今人之不同于古人也托物寄興一往
情深覺出師陳情諸作更為板腐而山榛隰苓之
思鑄成風雅先生乎試令美人善賡者于夜月孤
燈之下一一為先生賡之余亦將擊碎玉壺矣
得一道人曰擬古詩人之常耳至十九首則不必擬
何也無此忠孝本領則不必擬無此深厚蘊藉之
思則不必擬無此淳古淡泊之色之味則不必擬
蓋奇思警句或可刻意雕鏤為之此三者非用力
可能也六朝以來作此者眾矣大抵如此序所云

能以身入其中始知作者之自許非妄要未可爲
門外漢道也

王方穀曰摹古之家率得蘭亭面耳惟杜子美離
絕遠去可稱一往奔詣細讀諸篇又何其似孟
東野耶更別開一生面矣

黃叔威曰十九首所以難者其高古深渾不作鑿
劃之語而意味無窮耐人尋繹也先生諸作高
者已似漢代次亦不失爲嗣宗太冲非六朝唐
人以下比也何意近代復聽雲門九成耶快絕

西郊雜咏

歲乙卯季冬爲先曾祖營葬于西郊歲云暮矣苦
雨淒風荒墳蔓草觸事興懷遂多感慨漫筆成章
無復倫次昔步兵咏懷靖節飲酒寄情遐遠辭旨
超邁非敢追蹤昔賢聊抒情愫已爾

驅車西郭外極目碧天際寒日慘無光朔風何凜厲
百草委嚴霜枯樹徒紛翳返睠南山岡挺生有叢桂
孤芳獨未歇凌空自搖曳策杖往幽尋心傷遂掩袂
喬大師曰淡雋帶凄其煞得情深

其二

薄暮山氣佳。夕陽含清暉。緩步尋幽勝。悞入荆棘圍。
餘光闇將夕。露零霑我衣。夜深月影黑。道遠不得歸。
安得凌風翼。奮翅起高飛。

黃叔威曰文通擬陶何其似也

其三

嚴冬多陰雲。微雨時蕩滌。愁人當永夜。但聞聲滴瀝。
輾轉不能寐。靜坐憶所歷。珠玉在塵埃。何必非瓦礫。
俯仰念物化。萬慮此俱寂。

王方穀曰真境兼是達言

黃叔威曰寂歷幽清如聽寒巖激瀑

其四

重陰閉己極。朔風慘怒號。灌木鬱參天。連根為拔倒。
神龍久藏蟄。老蛟逞威暴。魍魎羣跳躍。狐狸相叫噪。
擁衾不敢寐。中心傷且悼。

喬大師曰笑啼不敢之中中懷若訴

其五

霜氣挾寒威。瀰漫遍阡陌。晨起望近郊。茫茫千頃白。

林鶴山房詩集
重陰多肅殺。摧氣搖松栢。貞心耐寒歲。造化不能易。
陽輝昇景耀。蒼翠加潤澤。

王方穀曰疾風勁草嚴霜貞木

其六

微雨喜初霽。酒酣江復清。散髮山之阿。遠聽櫂歌聲。
晚風吹我袖。策杖返柴荆。我生已如此。豈復圖令名。
養拙安貧賤。聊復稱我情。

得一道人曰與陶爲化入靖節集中誰能辨者

其七

幽靜愛山居。近村亦易足。寒月富桑麻。酒酣歌相續。
國賦早輸辦。不受公庭辱。徵求縱煩苛。道遠難拘束。
閑憩大樹陰。臥看牛抵觸。

喬大師曰托旨高遠

李亦菴曰毒罵又冷笑

黃叔威曰真樸近古

其八

晨興四顧望。列塚何崔嵬。殘碑沉蔓草。石几卧青苔。
昔時閩越王。宮闕列高臺。今日重泉下。玉椁化寒灰。

貴賤同丘壟。豪強安在哉。逐逐今世人。悠悠使我哀。
黃叔威曰。氣骨高張。宛然青蓮。

其九

灌木動悲風。殘雲迷孤嶼。古塚窺荆榛。野魂應獨處。
孤兔臥高岡。穴中多蒼鼠。寒雨滴空山。石人相對語。
人生寄一世。奄忽如逆旅。念彼平生時。亦復多儔侶。
感此情。悽愴憂來無復緒。

得一道人曰。讀到此一切雄心。應須灰冷。

王方穀曰。極似李長吉謝臯羽之作。

黃叔威曰。峭逸奇警。力追正始。

其十

晝歡常苦短。夜愁常苦長。披衣出戶視。列宿紛成行。
天狼燦精光。弧矢不敢張。南箕北有斗。終古永相望。
天道已如此。我思何茫茫。感慨不能寐。涕下沾衣裳。
喬大師曰。苦心徬徨。如見。

其十一

村舍鷄再鳴。農人知天曙。驅車返室廬。老親多問語。
郭外冒風霜。念爾恒獨處。勞倦應苦饑。酒肉宜饜飫。

一飯甫終畢。束裝仍復去。子行未寸步。親心千萬慮。
迴首意遲遲。欲行未忍遽。

得一道人曰。遊子不能多讀。誰道得真切。至此

王方穀曰。孟東野三春寸草之句。不過爾爾。

其十二

明月皎夜光。憂來孰與伍。良友不在茲。念之情如撫。
西園千樹梅。含芳多未吐。伊人當此夜。啣觴不可數。
烟樹隔沉冥。蒼茫杳難覩。縱知相憶心。未識相憶苦。
黃叔威曰。結句古調淵穆。

其十三

北溟有鯤魚。揚鬣三千里。隨風逐洪波。一朝東南徙。
震蕩撼九天。地軸爲崩圯。陷身入淤泥。不若鯁與鯉。
何如養神威。潛伏淵潭底。

王方穀曰。枯魚過河泣。寄言魴與鯉。

其十四

鴻鵠羣南飛。千里共盤桓。望林俱投棲。各自適所安。
其一爲雌。伏憂患。不可干。弋人方見逐。聳翮入雲端。
一投網羅中。臨風思振翰。樊籠不可騁。且復自摧殘。

悠悠行路人掩涕以相看

黃叔威曰陳思野田黃雀行後唯此爲近

其十五

代馬涉流沙東南萬里行中道一失羣宵若喪其精
牧圍加羈繼玉勒飾繁纓伏櫪不忍食北風常悲鳴
中夜長呼嘯駑駘皆震驚何當臨故道飛鞚越重城
摧鋒陷堅敵寧論死與生

喬大師曰其真無馬耶可發三嘆

其十六

我昔探幽勝足跡遍名山仙人乘白鶴引我入雲間
絳節夾朱幢鳴珂愉且閑容華煥神光顧盼多令顏
飲我紫芝漿授我白玉環天上不可極人間任往還
一自隔雲霄蒼茫不可攀引領願多違涕下空潺湲
喬大師曰正意側出妙不可言神仙飄拂之機溢流

紙上

其十七

入山採靈藥山中多芳草採之遺所思悠悠在遠道
道遠難同心懼君不我寶人非金石固豈得長壽考

蓄志苦難伸。歲月忽已老。飲酒聊悲歌。且復寬懷抱。
喬大師曰：此心難言。

其十八

大樂不可復。遺器在古琴。吳叟得其真。授我清虛吟。
調高識更寡。城市孰賞音。抱琴山之阿。撫絃感我心。
一彈再三奏。悲風動遠林。巖巖青山高。蕩蕩江水深。
曲終歸至靜。元化渺難尋。

喬大師曰：讀此如聞指上奏。洞天春曉。

黃叔威曰：一結悠然。

其十九

行年二十五。衰病日見侵。達人觀元化。屏慮以全真。
任運寡所營。胡乃勞其神。心迹不相從。我思難具陳。
昔人甘疾首。此意良苦辛。

黃叔威曰：縹緲清虛中。含哀憤。先生詩外固別有

事在也。

其二十

二儀更迭運。河漢昇復傾。陽光時隱耀。陰魄有虧盈。
至人洞化機。憂思復何營。易卦有明夷。蒙難尚堅貞。

天道不可問所貴在精誠

喬大師曰參到此雖吉凶進退存亡已于精誠二字紅爐一點先生入于道矣

又曰阮之嘯非狂也陶之咏非率也一往情深真無聊賴大抵感憤之章正妙在無段落無次第歷歷言之能使觀者涕頤交下此所謂情深者不必工詞而詞之工有自然而工者此屈子離騷不厭重複先生其釀陶而膾阮矣試取向灘頭葉葉擲之予恐蛟龍不敢吞也

得一道人曰直抒曾臆或泣或歌中有百折不回之氣動天地感鬼神在此時矣然從此盤錯交加會無寧日豈真彼蒼之藐藐哉有志者從此處參透骨力始堅然未可爲常人道也

王方穀曰二十首之中兼有陳伯玉張曲江感遇及儲王二家偶然作之妙知其含蘊者莫測

寄答李厚庵百韻 丁巳夏仲

鴻鵠矯青冥。咫尺視八荒。鍛羽嬰罽罽。物理不可量。我昔少年日。秉志負貞剛。高氣遂違俗。慷慨多激昂。

讀史嗤少卿。族殞名亦僵。摩詰凝碧池。何如一樂倡。
論古非細苛。烈節自有常。妖氛瀰日月。陷穽自貽殃。
臨危思致命。斯義久煌煌。罵賊慕常山。不憚爲國殤。
顧念天性恩。沉痛迫中腸。瘠顏稱痼疾。遯迹托緇黃。
孤鳶挾腐鼠。嚇我共趨蹌。女子身從夫。身玷寧自戕。
丈夫異巾幗。所志各有將。惡草疑楚師。疾呼敗苻羌。
鸚鵡折其翼。反周亦爲唐。忍辱苟有就。豈復惜行藏。
隻手難回天。心苦獨徬徨。脫身思遠引。束縛加羈縲。
天威自有赫。三年定鬼方。功不從我顯。始願亦已償。

甘心伏斧鑕。爲

國。肅紀綱。瀝血陳剴詞。激切感天潢。高厚

聖主

恩。覆載荷汪洋。溝瀆延視息。俯仰皆慙惶。與君千里
隔。惘若魂有亡。己分生死訣。乍見爲傾觴。君節誠不
虧。鼓枻咏滄浪。蠟書達

北闕

義聲動廟廊。傳聞多恍惚。贈我盈縹緗。吞聲不忍答。
恐非名教芳。貞心苟自諒。不藉史筆揚。天地豈不廣。
日月豈不光。運會邁屯塞。恥復述短長。高堂雙白髮。
所急在糗糧。四壁如長卿。承歡乏水漿。

君親。

兩不報興言涕成行。君答謂我語何必守故疆。清溪
稱奇勝風土亦泱泱。麋鹿足山珍水多鱖與魴。子盍
行往觀卜築碧峯傍。我意爲君開促駕束嚴裝。道經
龍江隈云是近戰場。空山寒白骨落日照頽牆。黔首
亦何辜掩袂增悲涼。跋涉積晨夕溪流遙相望。山川
紛糾盤佳氣亦蒼蒼。精廬隱深竹荔蔭覆迴塘。猶子
喜通謁因知世德昌。君家有大阮雄辨挾風霜。談深
夜不厭素月落東廂。昆季皆奇偉天家待棟樑。精思
張平子博雅蔡中郎。玉樹秀紛錯姻婭盡珪璋。比屋

聞絃歌童叟樸以莊。豈繫德星聚自是君子鄉。人文
旣披挹巖谷恣翱翔。探泉凌絕巘渡澗涉飛梁。短棹
蕩中流度曲協笙簧。酒酣天風來清興欲飄颻。忽計
倚閭久言歸架小航。歸來述此况聊以慰高堂。結茅
雖未許中情愉且康。離懷縈遠夢中夜起如狂。南望
舊遊地烟樹隔微茫。何以酬嘉惠摛詞代筐筐。我意
良苦辛詞促意不彰。君今際雲衢矯首奮騰驤。我本
野鶴姿鹿門自徜徉。浮榮非我羨君毋爲我傷。
方求衣宵旰問未央。書生愧兜鍪何以効劬勩南山

聖主

有朱鳥其名爲鳳凰。高梧萃且萋。引吭鳴高岡。仁心敷惠質。景運協休祥。非藉五彩姿。爲國輝文章。君自識此意。納牖義所當。西征擊鼓震。久戍缺斧戕。哀哉楚與蜀。沉淪刀箭鉞。安得盡李郭。捷伐早用張。輸輓恃東南。閭閻竭橐囊。鞭撻致芻藁。半蝕蝨與蝗。但聞歌碩鼠。無復咏甘棠。外患不足殄。內匱實可防。海濱子遺黎。披雲望

帝閭

供億苦經營。婦子甘糟糠。殘喘尚未蘇。剜膚重補瘡。翩翩多紈袴。撫字愧循良。賣刀未買犢。餘孽復披猖。

天光

衆志未成城。瘋憂實以痒。徹蔀屋寧俟。開廩倉貪風。苟不戢。無以掃欃槍。醫急亦治標。緩恐入膏肓。監門尚有繪。忌諱安所妨。君行應努力。寒谷待初暘。我跡雖江湖。

國

恩詎忍忘對人說。忠孝努力事耕桑。願崇干羽舞。車書共一匡。動皇天。今始降豐穰。

聖德

喬大師曰。友人書不盡意。摘辭可以動天地。今人心古人致鐵膽。石肝鏤作字。塊磊臨風月。明千里誰

能倚劍嘯長天傳君意

得一道人曰語皆通達治體有關根本之論老杜北征之後再見此作措身無地反憂天此所以感泣鬼神也自叙光明正大千載下可以共見共諒彼鬼蜮首鼠者何足道哉

王方毅曰忠孝性成令人骨驚心折一身自分如張儉四海何人識孔融

李亦庵曰怨而不怒哀而不傷心細氣平如見其人此真古詩不必擬古也

黃叔威曰一起矯健叙亂後相聚情緒如見此處得少陵神髓過接處有變化君字我字隨處穿插極錯綜之妙忽入時事則絕大本領

又曰長篇古風最忌平鋪直叙冗多爲累似此錯綜變化轉側流宕千言猶少矣人但知其脫胎少陵經濟蘊藉不知其寢食于漢魏者深故極開豁莽蒼之氣拈出以正于具法眼者

戊午春入都請罪施介平又韓追送江干詩以謝之

葩卉謝榛林。幽篁挺清陰。不歷寒暑節。焉知君子心。
握手少年交。相期各忠厚。噓沫幸相濡。意氣復何有。
邁會不可常。意氣自可長。共濟涉波險。咫尺不相將。
波險幸共越。同舟亦未覆。手足不相藉。忠信亦可睦。
天天桃李花。榮落無久妍。疏者各飛揚。親者強周旋。
周旋一何苦。色態一何詭。恩深恐累深。此道孰終古。
交君兄弟晚。乃在亂離後。堂上有貧交。入門多素友。
與君結識時。心口無侈詞。貧賤終久要。今昔未參差。
春風吹江水。客子心萬里。追送江之干。貽贈馨如芷。

貽贈匪所珍。所珍人意深。

君親

師友恩念之。涕淫淫。明發隔雲山。相思日遼闊。遊子
念高堂。藉爾問饑渴。

得一道人曰。交道至此可嘆可憐。

王方穀曰。幽秀俊逸兼儲王之勝。

黃叔威曰。清真樸雅古風之遺。

華嚴嶺 戊午季秋

五嶽峙方州。臺峯爭鼎闢。疊嶂凌空冥。蒼茫烟霧隔。
東麓聳華嚴。奇兀分主客。遠望但陰翳。遶趾憚躡屐。

飄風怒崩。岷奔泉咽。亂石徑轉。漸窈深千尋。列檜栢
雜樹紛榛。蕪衰草互狼籍。披荆歷磊砢。天地忽迫窄。
羣巒相束縛。嗟峨懸峭壁。林杪逗日光。掩靄如將夕。
出谷謂窮際。危峯尚如戟。其巔若可躋。縈迴極盤躒。
四顧寂無聲。樵蘇不留迹。落葉墮空山。如聞人咳噤。
草樹此俱枯。窮寒絕地脉。清非神明都。險實虎豹宅。
僕馬俱已疲。停鞍聊躑躅。俯視所歷峯。點點但空碧。
日昃下層岡。遙遙度阡陌。居人驚我來。相問咸踧躅。
此山實奧阻。往來道不借。鷲獸恣吞噬。壯夫亦裂魄。

回首意惘然。雄懷爲不懌。丈夫志四方。乾坤寧跼躒。
登臨戒高深。步趨亦謹擇。旣非事王程。胡爲輕自適。
高堂方寸心。寒暑未安席。履坦猶多虞。聞此心魂坼。
戒哉人子軀。無事慎行役。

得一道人曰。爲將當有怯時。况爲人子者哉。有關世
教之篇。不但賞其刻畫奇險之工而已。

王方穀曰。不在雕鑿奇險。而在命意深厚。一結是

仁孝人語

黃叔威曰。寫景深細。如覩柳州諸記。

鄭肇修先生移居適以箠頭命書因賦短章寫

其高致

庚申子孟夏

晴旭澹秋光。惠風揚佳吹。翛然陋巷清。高人移居至。
衆鳥任啁啾。庭槐自疎翠。囂囂市廛中。遠結羲農意。
金馬二十年。聲華若恐累。非云托知希。澹泊或少愧。
君國多厚期。雕蟲敢自致。閉戶問前修。詩書虞廢墜。
存此無營心。寡過亦明志。白雲在青天。舒卷成高寄。
蒼蒼松柏姿。巍巍棟樑備。
得一道人曰。命意高氣格。高聲調亦高。不似魏晉人。

語却非唐宋以下人能道

贈燕臺張翁

有引

辛酉秋季余以謠詠坐繫西曹積歷歲時。游更寒
暑驛置傳餐獨誌當時之雅。園牆設榻祇邀孺子
之來。而此外金石舊交反致雨雲易態。羊左之盟
既爽。蘇暴之迹遂踈。雀言何補。疇申魯獄之冤。虎
氣每騰。孰辨豐城之彩。燕臺輔宸張翁者。偶從邂
逅。得荷咨嗟。遂結綢繆。有逾夙昔。嘆脫驂之無路。
聊納橐以申勲。觀其往復再三。慰藉終始。寧止識

窮士于蘆中飯王孫于澤畔已也報慙瓊玖情托
詠歌紀茲德音彌增感慨

寒。鴈。甘。稻。梁。羈。客。感。壺。漿。契。闊。念。舊。知。新。交。增。感。傷。
金。臺。霜。雪。暮。但。聽。飄。風。度。難。挽。暴。公。車。徒。嘆。揚。夫。路。
岐。路。莫。言。故。陌。路。莫。言。新。針。芥。豈。須。同。淄。澠。貴。識。真。
燕。趙。多。慷。慨。杳。杳。前。期。在。圖。報。愧。王。孫。高。風。自。千。載。

黃叔威曰引典確詩雋拔可誦

丁卯初夏黃叔威以古詩八首見贈擬古妾薄
命以答之

邊城多悲風夏首寒猶積急管雜繁聲哀歌動羈客
借問歌者誰無乃蕩子妻窮巷有佳人前訴欲含啼
自言良家子十三工織素十五善裁衣慧心兼款步
嫵婉及良辰幸得事郎君靜好諧所願白首訂慇懃
悠悠歲月晚漫漫關河遠握別事歸寧臨岐多繾綣
回首暗風塵霜雪阻河津已分身從夫柰何戀所親
巖險不可越川廣不可沒妾淚如崩泉妾心如明月
蛾眉起愛憎白璧玷青蠅君子聽非偏契闊信無徵
上天無私覆日月無私照心傷分棄捐心痛不可療

匪痛髮無沐匪痛容無澤巾櫛誰代司君子情無憚
竊聞東鄰姊盛顏世所稀含吐氣若蘭綽約嬌羅衣
少小工織錦天章麗雲漢裁爲黼黻裳火龍同爛熳
如何守幽貞不字十年婢安得彼美姿一慰君子情
阿姊識我意粲然啓玉齒阿妹意良苦古義何所似
昔有秋胡妻心乖寧自戕安能忍垢辱他計行與藏
亦有谷風詩梁笱斲所遺柰何躬弗閱復惠所後爲
妾身如夢中恍惚縈魂魄一聞阿姊言涕泗如河奔
君子非我捐妾行自多咎速殞亦明心懼傷君子厚

妾義無可贖妾心安忍訣流蘇翠羽帳差奉後人悅
阿姊善事之百歲以爲期勿訝妾薄命嘉會故遲遲
賣珠聊止饑牽蘿聊補屋甘心償昔愆安得辭莞獨
孤獸走索羣寡鵠號及晨我命實不猶我意良苦辛
訴畢縱悲歌永夜泣幽咽邊風動地來長夏爲飛雪
得一道人曰秋胡行之古茂廬江小吏妻之傷感實
兩兼之至于忠厚悱惻悲婉纏綿當駕谷風而上
可嘆者年來流蘇羽帳不知奉幾許人而曲背賣
珠白頭補屋幾不知有地老天荒海枯石爛者他

日字字當成碧血也

治蔬卽事 戊辰秋仲

蟬聲變氣候。秋風動羈客。儒者亦治生。先民言自昔。
貧賤安吾素。作苦良有獲。力謝南畝農。半圃聊自適。
鑿井喜逢源。經緯寄阡陌。桔槔豈藏機。抱甕勞稍釋。
炎威尚餘猛。翹首望甘液。有滄夕時蒸。應候沛天澤。
新韭茁其英。佳菘擢盈尺。凌晨啓華門。一望但空碧。
荷鋤聊四顧。嘉蔬在所擇。非種謹芟除。碩果毋再摘。
側聞西鄰叟。今歲豐禾麥。幸哉免饑寒。庶無嗟落魄。

得一道人曰學問經濟綱紀激揚具見尺幅中

送孫嘯夫和留別原韻 乙亥孟秋

浙水與遼山。曠望邈何極。伊人感知遇。策蹇長城北。
南溟神變化。扶搖豐羽翼。紫氣燭巫閭。輕車自遠適。
既具五采姿。兼挾搏風力。寧復寄藩籬。聊假六月息。
龍門托高枝。瑞竹採嘉實。引吭協宮商。嚙啗動原隰。
長白東北來。千峯皆劣削。亂流梁水濱。几席如可卽。
壘嶂松杉橫。寒巖苔蘚積。春漲看扶犁。秋原望力穡。
杖屨往從之。邊城饒野色。與君有夙訂。未酬常反側。

旅夢逼晨雞。鄉思何太亟。丈夫志四海。寧爲岐路泣。
何以代縞紵。寸衷多歎仄。八紘振天綱。鴻飛應有弋。
翮羽天路翔。雲中幸相憶。
得一道人曰。平常酬應之作。却自秀潔不俗。今人行
裝中如此者。亦不可多得。

題畫

槐影點晴莎。長堤堪步履。澄潭秋氣清。獨立聽流水。
童子採花來。盈頭亦可喜。尺幅寫高蹤。喜同余所寄。
豈曰避世情。徜徉聊已矣。

爲顧宗伯題畫

甲申夏季

蘭生在幽谷。奇芳何馥郁。同向春風榮。恥隨凡草族。
車塵不能侵。馬足非所蹴。猗靡連九畹。蒼翠被原陸。
行客無復採。何如麥與菽。高士何爲者。依依頻顧復。
雖未薦馨香。且用媚幽獨。得地非當門。未必不爲福。
得一道人曰。含蓄無盡已。參到此何須棒喝。

其二

中立一峯秀。衆松增其媚。結茅峯之麓。倒影溪光翠。
維舟松陰下。杖屨同幽寄。誰爲作此圖。瀟然見高致。

其三

霜飛秋樹紅。返照萬峯夕。同志幸不孤。相邀共泉石。
嘯傲北窓中。竹聲來枕席。况復戶外松。亭亭聳空碧。
既堪自怡悅。亦足娛嘉客。豈曰傲軒冕。物性各有適。
得一道人曰。摩詰得意之作。自是性情近之。

有所聞

乙酉孟春

翰音竟登天。鼯鼠升高屋。天道豈茫昧。陰陽有往復。
履坦亦何憂。鳴豫寧真福。君子道其常。自信在幽獨。
仰視彼浮雲。無關我心曲。

贈李銘原

天馬負權奇。威鳳殊凡彩。末俗嫉高軌。見少宜多怪。
右具倜儻才。抗志超九垓。盤錯未設施。貝錦乃成災。
天光照覆盆。

溫綸

湔重垢。投閑匪棄擲。將以大所受。侯嬴朱亥徒。激義
竟捐軀。

君父

覆載恩窮達。寧論歎壯也。不如人非急。孰求子將伯。
待時呼念之。堪涕泗良賈。豈慢藏善戰無勇功。匡濟
亦偶然。明哲庶保終。意氣辨貞邪。但當慎取舍。大義

光天壤持以報識者

得一道人曰剖心瀝膽之言皆可貫金石非泛泛酬贈之比得此者自非常人

辛卯春抱病銘原親治羹以餉余令兒子往拜謝此後不敢當因賦此示之

友道貴先施輕重各有宜祭肉與車馬拜否義當知
通財可酬答千金所不辭自非事二人羞膳未親之
有施終莫報受能無忸怩余生賦命薄故交末多睽
願言保終始久敬何敢違

半圃八玩詩

壬辰孟春

銘原博雅好古每笑松鶴老人之俗老人言余齋
中古玩不乏未暇出相賞耳俗紀勝多賦八景余
請賦半圃八玩詩君先為品題之

四望車

襄歲初承

恩幸

待侍

朱邸

尚方分玉饌平臺許借騎書生筋力疲蹉跌幾不起自

此遂乘車安驅喜無事。荏苒歷歲月寧復問軒輕。輪
轅經屢易巾幕之新製。朔風迎面慄夏月增炎氣。何
必復褰帷四望無遺睇。都邑多英豪一閱盡奇異。流
覽遍閭閻隱觸納溝志。金象侈華飾繡弗巾幘矣。何
如此太樸殷輅實遺制安得起。少君回挽成歸計。
得一道人曰玩好皆無用之物耳。此車却具許多經

濟如何非寶

續繩轡

駕車必資馬。馬取平臺牧。關外舊轡勒。取用亦自足。

歲月既浸久。皮革非初服。百結類鶉衣。纍纍漸局促。
誰爲斷鞞者。中道車幾覆。所賴賢僕人。應變有倉卒。
道左棄斷繩。急取聊相續。巨細雖不倫。控御已有術。
折柳復代鞭。長驅並繡轂。

得一道人曰應變倉卒便是真寶所寶惟賢卽此可
悟遊戲中皆有寓意未見到此莫讀此詩

刪煩榻

古人重設榻。仲舉有遺風。易椅自何代。支節乃加工。
脆弱易傾折。久暫用不同。余寓旣屢遷。什器頗不充。

移運經再三堅固難保終殘缺費補苴零落莫可窮
余謂器適用體製貴相通但取四足具聊爲座客供
搯背與拊手何必過尊崇煩枝刪去之蕩平復正中
三四五六並床榻將無同坐久可舒膝兼堪臥老翁
不復名以杌體大號宜隆慎勿哂吾陋惜物恒致豐
先哲有遺言敗事可爲功

得一道人曰旋乾轉坤手段略見一斑

不動几

賜宅在城北此宅本華胄扈

蹕

詣西郊別業多榆柳一歲雖屢遷安居得無咎什器
本至微急需未可後彼此皆羅列庶幾免奔走以此
竭趙囊資生或過厚隨時置一二餘可謀親舊姻家
出典郡器物宜輻輳僅遺余一几餘悉他人有置余
齋東偏客至陳簋豆一僕欲徙之驚呼幾脫肘將伯
亟助余支吾資衆手盤殮幸未傾四足離窠曰衆僕
競扶持僅瀉數杯酒余笑爲撫掌用器如擇友所因
不失親庶幾不相負寄托良不輕奈何用彼婦天地
無棄物仁人弘造就永鎮東南隅長依壁與牖著述

任皮置名山與同壽

得一道人曰詎諧處方令人絕倒忽發大議論使人
整冠肅容對之

讓領冠

前代貂珥尊八座不輕得我

恩至溥貴賤或相逼其用雖僭越佳貂亦難獲余自
入關來及門爲我德紫光堪耀目觀者咸嘖嘖以此
侍

邸儀觀加顯赫歷年一紀餘吾領爲之賊領卑剛以

朱

朝

侵冠尊讓以默其前祇乏采其後已成革立諸粲粲
中頗受人指摘冠夜夢告余君心無乃窄天數以十
二虞帝分疆陌計予侍夫子歷數逾其則雖乏彈冠
慶亦少免冠責官久體尊崇人老少血脉器古稱寶
玩服舊多劈裂願從君乞休且就歸藏國見留勉推
戴幸勿加聲色遽然枕上驚東方忽已白
得一道人曰奇幻入化莊生之鯤鵬屈氏之山鬼後
世之乞巧送窮又別開一生面矣

又曰後赤壁賦覺多一答語此等真所謂下筆若有

神僅以遊戲視之則失之矣

蟹目襪

襪制傳自古

國朝

獨華靡紫鳳及天吳。膝腠增姿麗。吾襪皆布素。不欲
炫奇異。冬月好就爐。日久易垢敝。趾踵竊窺人。幾如
蟹。延睇暑月納涼宜。御冬為失理。憶昔在遼左。鰥居
少僕婢。天潢延作師。寒暑歷三季。吾友顧虎頭。思予
必遣騎。一朝賓朋會。冒雪來招致。忍凍馳到門。虎頭
驚且喜。急呼來就火。脫靴暖足易。予意尚逡巡。欲脫

復徙倚。虎頭仰天笑。予足必垢膩。予答足否否。襪驚
衆目視。虎頭促命僕。亟持新襪至。予謂新毋庸。但求
襪有底。大衆為鬩堂。笑聲猶在耳。今則沐

皇恩 出入侍

朱 邸入侍有賜衣。退食何必爾。偶然失縫紉。已非昔日
比。試較卜子衣。上配東郭履。要自有等差。請君為次
第

得一道人曰。人但知其借賓形。主用筆之妙。而不知
此數十年中。落寞潦倒。衣敝履穿。人所視為窮蹙

不可一朝居者此獨恬然不以一毫動其曾次却
用淡筆一一描出真五濁世界中遊戲神通手段
未易窺其涯際也

九罌被

昔人稱內助余意頗不然吾輩天地間安資彼婦賢
計自失偶來事事費周旋或謂婦職曠猶意此言偏
假令無米炊難責巧婦燃余性怯冬寒兩被必相連
自冬歷春仲垢膩頗不鮮既無他被易浣濯亦無緣
余昔嘗入侍

王出詣東偏道遇

皇七子同步余榻前展帳撫牀褥覆被有敗氈

王笑令揭視泥黑欲侵綿相對一撫掌此事殊堪傳余

聞亦小報易被今多年舊單不復改歲月仍屢遷每
臥必跣踏失足恐爲穿世風久則薄吾被豈能堅初
疑猿挂樹忽聽鳥驚弦松蘿疑蝶夢罾網類魚潛九
罌名何取思紹袞繡賢牛衣卿相貴長枕弟兄眠易
世皆佳話何須戚戚焉放言非玩世聊掩細君愆
得一道人曰安資彼婦賢一語原自過當後之狼狽

皆此語之報應也。讀結語始知前鬆語之妙。

又曰：古人陋巷簞瓢，只博一易世佳話。念及此一切火坑地獄，皆可作清涼世界矣。是謂善用其所苦，支足盆。

遼左承

恩遇。寵渥異尋常。儉人生猜忌。機穽早施張。豫囑諸中涓。初至慎為防。比予親詣。

闕。

居何方時適

御晚。膳受囑者在傍。跪言奴輩宅實在苑東牆。比隨齏使。

回置屋買田庄。

賜。宅皆可給兼能備糗糧。

天顏。為之喜且

勅。善護將旦晚。行宣名服飾。令輝煌。承

詔。駕四車為余運資裝。既至與一室。僅容一匡牀。指言此牆外有宅。君相當。歲暮難遷徙。來春定可望。一切君服用。吾家皆可商。僕馬與芻豆。吾皆為紀綱。聞此喜過望。涕泗復徬徨。

君恩何以報入謝淚汪洋叩首

闕門外未得覲

天

閭歸來頗自疑閉戶暫徜徉是時有識者聞此爲倉皇寄言此虎口君慮宜周詳余答謂有天柰何彼臧倉自此所供億大抵多荒唐豈意時未久其家自罹殃萋非莫可問余已侍

天

潢此盆彼所贈折足固無傷贈亦由

君賜

敢不慎收藏八磚支以二鳧脛可令長但期無覆餗何必計低昂物倘以人重他年亦有光安知百世後

不列鼎彝傍

得一道人曰信筆遊戲之中而史家之叙事法家之

斷案畫家之寫正面傍面莊生之寓言釋氏之幻

化無一不備而高懷達識厚道深情經綸康濟亦

無意不周真一莖草丈六金身一粒粟三千世界

手段使人拍案叫絕之餘細味之當肅然起敬

松鶴老人曰銘原好爲五言古詩余抱病銘原不

得視余而相念不置因作此以慰之見余之勿

藥也而銘原殊不悅且責余曰昌黎柳州並驅

而世或亞柳者以柳集中如黔無驢等篇好爲
遊戲也君將爲人矜式者柰何作此盍毀之予
悚然久之而囿于文人氣習不忍棄也銘原立
志遠大而資性方嚴今雖落拓無聊而邪穢之
語不出于口菹博之具不接于目使當代而真
有程朱諸夫子以進于道作游楊黃蔡諸君子
無難良可惜也今存此詩仍述銘原之戒以見
吾之平日服膺非阿所好而世俗之謠詠未可
以論人也

方扶南以題房山老人邃壑圖五言古詩屬和
因步其韻

秋官老尚書品峻千仞壁拂袖西山麓朝野咸咨惜
探奇鑿鴻濛地軸爲開坼雙嵯嶷青嶂天與娛晨夕
名勝自千古托躬在所擇白雲足怡心胡麻堪餉客
尋花屐可供觀瀑杖須策道存蹟自高肥遯非假借
陋彼挾鼠鴟應憐畏人齟品地試權衡倍蕝復什百
風流謝安石曠邈陶貞白客爲圖輞川卧遊在几席
箕穎不可攀披閱神差適方干負俊姿佳句人膾炙

骨爲幽貞屈才爲巖壑役殫精寫深翠遠想摹空碧
如仰峯峻嶒如聞泉激射問君何能爾從遊在夙昔
謝公歸別墅携我共泉石展卷清風來神區如再闢
迴巒曲徑間杖屨經行迹安得邀裴王苦思共雕畫
琢句盡聱牙畱題兼波磔三絕置座右庶幾我心獲
我謂君望奢慎勿縈胷膈雞黍將有獻莫作饑彪嚇
遷客歸來久潦倒長安陌惆悵和君詩悠然思振翮
水曲棹漁舟荒園修鶴柵長嘯傲東山閉戶點周易
得一道人曰步韻詩以遊戲問答出之自然處難及

松鶴山房詩集卷之二目錄

七言古

松樹爲風雨所拔嘆

贈黃西津總戎海澄

劍俠

題友人墨竹

行路難

海門行

西婦行

贈朱雪崖

吳菽原扇頭賈生畫菊竹二種索題

寧海將軍仙霞奪隘圖

寧海將軍背水鏖兵圖

吳都統招郊外釣魚阻雨走筆寄覺道弘

贈祥符令毛鶴舫

建寧謝節婦

賀兼思自五臺迎婚霸州

西曹坐繫為獄中某額駙扇書

心月上人有收骨之行歌以贈之

戴雙城先生扇頭墨竹

戴文開扇頭山水二首

題山海關圖

戴文開扇頭畫

辛未初夏同戴文開楊玉符二先生從遊諸子

南郊射飲醉歌

徐周臣以琴見贈歌以謝之

題吳門徐生望紅集戲學盧李體

松鶴山房詩集
金文瀾谷岳修果圖

鐵式之書室

金若干爲式之以楮作書函貼壁間屬余題句
壁間楮作秋桐葉

壽徐元賓

體元以扇頭蘆鴈索題因憶兩弟感賦

吳道人扇畫菊

甲戌仲夏定侯以畫扇屬書感賦

泛小舟渡遼水過劉叟居處歌以壯之

江上女郎歌題畫

題扇頭美人

扇頭畫

代祝輔國公太妃

又扇頭美人

洞天春曉圖

宗室輔國公奉天官民送別圖

題畫漁家樂

許月溪歲寒書屋

為顧宗伯題畫三首

蒙

賜御書恭紀

聖恩歌有序

送蕭道人回吉水

顧宗伯有徘徊青史案之句命為書扇

挽東甌陳貞女

驥仲以西山遙寄圖索題書以示之

宿梁家園見諸公和坡公戲子由韻學步書懷

七言古

松樹為風雨所拔歎乙卯孟秋

城南山半古梵宮喬松千尺獨凌空蟠螭虬結逞蒼
 翠扶植全憑造化功七月清秋風雨惡裂石崩崖氣
 磅礴花卉摧殘不知數萬樹龍鱗盡剝落勁幹何難
 與風爭失勢恐被連根折枝條荏苒任飄零苦心獨
 守凌霜節離披偃仰仍倔强道傍識者多嘆傷歲寒
 老樹尚如此何況朽木與枯楊風清雨霽會有時結
 蓋摩娑插霄漢寄語山靈好護持留取天家作楨幹

黃叔威曰虬翻鯨擲氣勢峻嶒妙處直逼少陵
贈黃西津總戎海澄

天。狼。搖。精。動。鼙。鼓。海。國。霜。飛。紛。白。羽。妖。蜃。噴。霧。障。九。
天。鮫。穴。瀾。翻。壯。士。怒。黃。公。氣。貫。日。月。光。神。武。不。數。張。
睢。陽。萬。里。孤。軍。撐。地。軸。腰。間。龍。劍。耀。星。芒。長。鯨。席。卷。
突。城。下。崩。奔。聲。撼。武。安。瓦。肘。腋。奸。兇。夜。縋。軍。我。公。拔。
劍。面。如。赭。忠。魂。慘。淡。斗。牛。寒。闔。門。殉。國。心。同。丹。將。軍。
飛。鞚。摧。鋒。出。間。道。徵。兵。望。賀。蘭。長。安。遠。道。聞。消。息。
孤。臣。常。惻。惻。重。關。電。掃。海。氛。清。握。鉞。分。符。

詔憫

聖恩

特南來萬騎勢如雲報主復仇盡義軍三年鬼國初
投款八日平么應待君愧我幽囚身困辱長夜淚枯
天復旭感君烈節送君行淋漓慷慨歌相續

得一道人曰黑雲壓城句先後爭奇

黃叔威曰高老雄勁筆撼五岳

劍俠

吳。鉤。鐵。冷。霜。花。碧。寶。鞘。螭。文。嵌。瑤。石。繫。馬。城。南。倚。酒。
壚。慷。慨。悲。歌。道。疇。昔。十。五。從。師。學。遠。遊。技。成。豪。氣。橫。
九。州。丈。夫。有。志。酬。知。己。千。金。豈。肯。殉。王。侯。淪。落。江。湖。

無可說夜中起舞腸內熱探匣一吼老龍驚模糊猶
帶髑髏血此君周旋最久長相握相親泣數行翻身
躑躍玉鋒閃月落庭空繞電光電光初疑日光赭金
鞍斜控銀驄馬西風獵獵雪將飛意中誰是報恩者
肝膽何須向人論揮杯彈鋏南城下

王方穀曰寶氣雖夜夜冲斗不遇張雷亦徒然耳

黃叔威曰豪氣雄心特地軒露郭通泉寶劍篇尚

覺遜其駿邁

題友人墨竹

許生磊落多英特興到狂呼潑墨汁巧奪瀟湘倒影
來淋漓元氣毫端集排石穿雲勢傾側亂葉淒淒神
鬼泣勁節離披猶倔强森然老幹如山立聲吼九天
雷雨寒枝橫千尺龍蛇螫鶻落兔起不可狀滿堂蒼
翠風習習伶倫已往嶰谷空對此令人空於邑知君
素重歲寒姿好把畫圖深處襲

黃叔威曰老杜黑入太陰雷雨垂句似之

行路難 戊午仲夏

嗚呼噫嘻行路難哉行人惆悵而心哀鴻濛剖闢東

南摧箐篁叢谷何年開層巒爭地壘蒼翠狂泉奔壑
聲如雷陰岑蔽虧絕牛斗胡爲乎躡空攀險往來哉
越地初盡吳山逼環折渾茫盡澤國黃河東注縱橫
奔千尺長堤爲拆副江淮南北化爲魚鬼哭神號天
闇黑行人五月涉炎鄉流金爍石汗浹裳萬里突無
煙安覓糧與漿揮塵清涼尚不可何況踉蹌策蹇大
道傍日中一震雷聲吼雲暗天沉昏白晝掣電翻風
砂蔽天覆海傾江人皆仆旱魃久虐下土嗟淫潦綿
連又爲咎此地蒼生困莫蘇行人寧惜沾襟袖遠奔

茅舍氣喘噓覓枝對竈燎衣裯臥見殘雲掩靄月隱
星疎又聞蟲聲蛙鼓喧淤渠嗚呼行路難不如早廻
車君不見翟公客名平瓜貴賤今昔何所如死生艱
險苦相報相逢不如相見初丈夫志業不早就何事
侯門更曳裾又不見九關虎豹虓且噬浮雲蔽日孰
爲祛巫咸上天臯陶遠食玉炊桂不可居嗚呼行路
難不如早廻車此道今古同欷歔

王方穀曰苦調淒風雄聲壯氣直與太白蜀道爭
勝毫釐之間吳道子嘉陵之筆也敬服敬服

黃叔威曰才情橫鶩迅氣無前鼉嘯龍起挾風雨
而上騰想見不可一世之槩

海門行

南○溟○毒○沫○驅○潛○鱷○跳○浪○揚○鬢○霾○漠○漠○夜○半○星○飛○白○羽○
來○腥○風○吹○斷○海○門○鑰○海○門○巖○邑○小○如○罌○枕○山○砥○瀾○六○
鼇○擎○五○千○犀○鎧○濯○龍○鱗○期○門○萬○騎○簇○鏡○鉦○誰○柄○長○竿○
驚○一○蹶○鉤○沉○餌○冷○逐○波○月○天○塹○不○戒○突○艤○鱧○孤○壁○烟○
寒○炊○鼠○骨○太○陰○壓○城○營○頭○流○殘○角○無○聲○聽○泣○雋○將○軍○
碧○血○淬○吳○鉤○饑○烏○日○晏○棲○骷○髏○秋○老○重○泉○氣○未○魴○靈○
旗○偃○偃○長○蛇○腹○魂○招○不○來○馬○革○枯○酸○心○北○向○啾○啾○哭○
得○一○道○人○曰○慘○淡○經○營○應○知○鬼○爲○夜○哭○

王方穀曰前有李長吉鴈門太守行後有徐文長

陰風吹火篇

西婦行

南○天○露○布○降○封○豕○西○來○虎○旅○橐○弓○徒○旄○頭○夜○挾○女○人○
星○馬○上○胭○脂○沉○不○起○可○憐○雲○散○櫻○唇○紫○泣○向○酸○風○冷○
秋○水○紅○葉○萬○山○鴈○影○斜○傷○心○難○寄○望○鄉○字○營○門○月○落○
理○散○鬢○馬○嘶○殘○夢○淚○潛○潛○

君王有道邊臣武不教妾度鴈門關

陳世承曰鬼妾與鬼馬色悲充爾娛讀此詩倍懷
斯語

王方穀曰七言長篇又多作昌谷之調天池生暄
乎後矣

李亦庵曰此等七言古皆雄健可歌雖未免有大
江東氣然寧爲孫伯符不爲劉景升

贈朱雪崖

己未夏仲

壺公環羸擁黛摩青天璿宮貝闕含雲烟吞吐日月

不可狀下控穀城仙掌相鉤連山川精爽靈奇毓冰
雪聰明才灸穀君謨起草挾銀鉤夾漈藏書羅玉軸
天人三策對彤墀萬斛泉源湧地奇繡勒走霑櫻笋
宴新詩歸唱木蘭陂愧余總角承傾蓋潦倒籬藩看
鳳翽高齋風雨憶論文陶冶良工心力大京華五載
困緇塵鱸膾秋風喜奉親千里故人明月夜雙魚猶
寄鯉湖濱氛霾翳空寒氣颺蜃妖封豕爭狂獮海上
孤存管幼安池頭飲泣王摩詰

王師電掃走長鯨看君墨綬出承明英風昔日推文季

治行今應數仲卿千乘名邦田氏邑雉馴時向花間
立絃歌百里簿書閑興到霞箋翻墨汁我聞秦岱干
霄十八盤羣峯東海列嶺岼移君如椽之綵筆題向
瑯琊不注之層巒

宸幄

翻經丙夜寒輜軒採取入長安循聲此日光齊乘珥
筆行看侍

玉鑾

吳菽原扇頭賈生畫菊竹二種索題

洛陽才子真無匹為君寫此凌霜質數枝勁幹影飄

蕭兩朶寒英香凜颯想其興酣落筆時儼負高士方
隱逸願君保此歲寒姿什襲行裝莫蕭瑟

題寧海將軍仙霞奪隘圖 己未秋孟

秋河炯炯光太白弧矢搖芒牛女逼商飈一夕掃東
南浙水閩山裂地脉閩山萬仞鬱峒嶢夾道松杉障
赤霄倚窟箐篁狐兔狡負嶠巖谷虎狼驕將軍握筭
仗旄纛飛矢聊城驅部曲蛇矛淬鏑凜嚴霜龍劍瑩
膏切寒玉殺氣憑凌關晝昏遊魚釜底蕩精魂蓐馬
孤軍趨劍閣椎牛三鼓奪崑崙披崖歷嶂芟荆棘山

帝力

川草木皆生色壺漿父老擁軍門稽首生全歌

黃叔威曰清麗不減王子安

題寧海將軍背水鑿兵圖

霜月清寒風鳴弧挽天狼初閉精南溟浪煽長鯨鳴
張鬻鼓鬣吹毒沫莆陽席卷下巖城巖城白羽來軍
幕元戎夜半傳金柝組練三千飛渡江破浪揚帆風
捲籜昔日濰水兵傳餐拔趙營雄師挾勝勢度險始
輕生將軍勝筭在掌握龍旗三颭撼山岳星奔月滿

簇雕弓電掣雷轟催畫角奪槩擒生戰氣灌紅冰一
片鐵衣寒營頭壓敵鼓聲殘空山白骨陰漫漫鼓聲
初罷凱聲奏將軍駐騎心如疾海濱赤子盡吾民作
備伊誰今逋寇何當溟渤不揚波尺土蒼生盡仁壽
黃叔威曰咏戰處如見屋瓦皆飛虎豹股慄之狀
由其氣勢勝也

吳都統招郊外釣魚阻雨走筆寄覺道弘

元戎折柬驚且喜綸靜餌香堪角技薄暮黃雲光映
天夜半飛廉撼江水長空漠漠煙雨昏鯁鯉鱗鱗沉

天子。

不起燕山太史擅風流。試問今朝與何似，共遣奚童作報章。且待來朝風日美，便當破浪捉長竿。一釣六鰲獻。

贈祥符合毛鶴舫

庚申孟春

聖朝有道崇文日，嚴陵特挺神仙質。漢庭風雅舊傳家，脫穎新鋸光氣溢。銀鉤起草擅千言，玉軸旁搜羅萬帙。天人有策對彤墀，峽浪泉源湧地奇。陶冶後生神力富，飛騰前輩匠心知。螭頭珥筆君餘事，明刑暫

試鄴中理判出爭看，父老傳賦成知貴。洛陽紙天教文彩，遍遐荒行部褰帷度。貴陽驥足秦關初，輟駕銅符竹馬復驅梁。梁園汴邑舊京華，烟火桑麻簇萬家。鶴舞月明依隴麥，雉眠春暖傍庭花。花封名姓書楓殿，入對金華衆所羨。君同嚴助厭承明，民瘼關心歸乘傳。旱潦頻仍衆志囂，開倉汲黯最辛勞。却緣秩最分宮幣，何事詩成奪錦袍。君不見東京循吏多奇績，賜爵賜金光簡冊。宣室今方待論思，蘭臺栢省虛前席。我欣御李挹清光，貽贈琳琅尊拱璧。報君巴里附

風謠拭目王喬飛錦鳥

得一道人曰應酬之作秀潔不塵

建寧謝節婦

驂鸞渡口西風咽烏臺寶樹當堦折清溪難浣錦閨
愁彤管偏銘芳佩烈龍旂昔下冶城東岷岡炎焰殷
天紅雙棲義鵠忽驚分雌鳴啞亞悲其雄翼碎巢空
復何有孤雛更入虞羅手腸斷何當從藁砧堂有慈
姑未有後忍淚竭將涸隨供兒存甘旨歲時同天憐
伯道遺孤聚婦職還兼頌母功母功舊事垂青史畫

菽和丸今並美秋月機寒命篝燈春花淚冷甘捐珥
女宗應荷

聖朝褒况復承家有鳳毛丹山碧水揆遺乘誰悉當年節
孝勞

賀兼思自五臺迎婚霸州

燕。山。秋。好。月。輪。開。光。照。深。閨。玉。鏡。臺。簫。史。鴈。門。吹。鳳。
曲。雲。中。烏。鵲。架。橋。來。鵲。橋。霞。起。天。孫。渡。錦。瑟。瑤。笙。前。
啓。路。蓼。花。深。照。綵。粧。明。槐。影。輕。移。香。珮。駐。香。珮。氤。氳。
夾。路。塵。香。塵。吹。作。鴈。門。春。蘭。燈。華。燭。交。秋。月。爭。看。仙。

郎遠御輪仙郎寶馬青絲絡翟弗香車聯繡幕迎婚
趙女態妖嬈作媵燕姬顏沃若趙女燕姬擁騎迴高
堂雙拜管絃催翡翠屏圍連理樹芙蓉帳舉合歡杯
合歡此日欣偕老長侍高堂期壽考雞鳴戒旦古人
風應識佳兒佳婦道

坐繫西曹爲獄中某額駙題扇

辛酉仲夏

秋河炯炯達晨光貫索星精多耀芒何處驚烏引人
怨誰家怨調斷人腸翩翩禁嚮佳公子累葉金貂傾
戚里沁水田園不讓人饌玉鳴金沸如市貴主蒼頭

氣自高擣菹肯數五陵豪錐刀釀起丘山釁對簿株
連困棘曹棘曹何處最傷情斗轉更深百恨生孤枕
淒風傳夜柝短牆疎雨度流螢依稀入夢盡堂宴熊
掌猩唇羅上膳涼州舊拍按紅牙大宛新驄披錦鞵
夢回漏急月黃昏魂斷無言淚暗吞積釁當年追往
咎羈延此日識

君恩

君恩

本自深如海刑章不爲私親改試閱艱辛悔禍深議
貴議親常典在君不見季布身嬰三木傷絳侯坐繫

困銀鐙君慎加餐莫自戕卽日金雞催放赦戟門歸
慶萬年觴

得一道人曰身處其地故寫景親切乃爾較之前人
被繫諸作何其豪宕多風也

心月上人有收骨之行歌以贈之 壬戌季夏

杜陵老子發狂吟赤脚踏冰爲苦熱上人功從累劫
修跣足三冬衝朔雪當年太史邑婁北間關相從心
獨切何必道高龍虎馴義重人天嘆奇絕只今結構
小禪扉寒暑惟憑破衲衣鐘鼓六時開寶地施漿行

聖朝道已忘饑更念荒郊旅魂泣思廣
埋齒德儒釋雖分事亦同有志須成在願力幽明度

盡笑顏開此心便爲極樂國

得一道人曰至理名言掃盡一切福田報應之陋

題戴雙城先生扇頭墨竹 庚午季夏

六月邊城也苦熱茅齋容膝如陶穴
霽霖未解滌炎氛蒸鬱徒增蠅與蠖揮塵徒勞把戶扇北窓一枕夢
還醒手捉床頭披素筆滿堂空翠風泠泠却憶吾友
許生工畫竹潑墨酣歌興相續雞黍堂前三百竿醉

後科頭敲綠玉可憐遷客久離鄉不見此君已十霜
誰道歲寒君子樹也怯風沙朔漠場邊人未識凌雲
槩寸管殘枝稱我愛豈知勁節摩蒼穹凡卉寧容相
匹配此畫面目未必真咫尺却具千尋身昂霄聳壑
無邊際鶻落兔起如有神細葉輕條相映帶恍惚鸞
棲疑鳳翽參差歷落勢縱橫點綴文章碧天外世人
盡愛桃李姿誰知瀟灑有神奇眼前紛紛食肉者請
出先生袖中以示之
得一道人曰隨手揮灑中氣骨岸然與尋常題畫者

迴別

題戴文開扇頭山水

今年不減去年熱誰道遼天積冰雪沉李浮瓜正此
時邊城那得來充咽斗室炎蒸汗浹裳展盡清風起
座傍遠峯蒼翠疑欲滴近村雜樹莽蒼蒼岡巒起伏
如坐臥殷殷輕雷山下過白雲明滅有無中茅屋人
家三兩箇側思此際有幽人策杖探泉曲澗濱日空
一切都忘象兩耳不受人間塵却憶當途冠蓋客觸
暑驅炎馳廣陌折腰俯首氣不伸滿前荆棘徒盤擗

松篁山房詩集
老我支離牛馬軀。高隱天民容許俱。閉門却喜疎人事。百城坐擁未羈孤。草堂右轉吾西塾。揮汗諸生勤往復。午夢書聲入耳清。絳帷何必羅絲竹。吁嗟乎戴天履地。

聖明恩有恨。孤臣未敢論。何年得遂鄉關願。暑雨揮鋤種

小園

得一道人曰寫景入微。然無後一段寄慨。反覺其板矣。

又

六月炎蒸晝正長。萬山雜樹莽蒼蒼。飛泉雨過添新溜。古道雲來入杳茫。妙手騷人移地軸。數筆丹青歸尺幅。展玩高齋氣蕭爽。依稀丘壑在心目。山巔誰搆百尺樓。高士相對樓上頭。興闌日落千巖暝。談久風生萬樹秋。想其神酣初落筆。解衣磅礴閑且逸。彷彿置身萬仞岡。俯視一切日無匹。羈人坐臥斗室中。煩脅更苦青蠅攻。安得攀蘿捫石壁。躡空長嘯凌清風。却嘆巫閭近咫尺。千山崖洞仙靈跡。支離十載馬牛身。仰天翹首望空碧。故園松菊未全荒。烏峯草閣遙

松窗山房詩集
相望何年竹杖芒鞋願五岳探窮返舊鄉
得一道人曰山水人物近景遠景目前日後近情遠
情信手揮洒而來按之井井

山海關圖題扇

雄關萬仞鬱岩嶢龍蟠虎峙摩青霄巉巖北枕廬龍
塞泐泐南吞大海潮却嘆秦皇勞板築中山勝國移
坤軸

聖朝 萬里一車書昔日烽烟今甸服東道輪蹄入

帝鄉 星軺行賈路相望獨憐遷謫離鄉客回首雲山萬里

長雲山萬里難回首讀罷離騷唯對酒何堪尺幅寫
爲圖觸緒羈人心欲剖當年精衛苦無功木石依然
巨浸中連檣萬舸漁家輩寧當破浪逐長風禹跡從
來先碣石僅博空名陵谷易千尋砥柱有沉淪何堪
男兒軀七尺吁嗟乎男兒胡不乘時建節仗龍旌便
爲

天子 作長城俯仰關河感今昔蹉跎日月壯心驚

得一道人曰雄心浩氣吞碣石而吸滄溟借題發
洩磊落頓挫淋漓慷慨誰能窺其涯涘

松鶴山房詩集
題戴文開扇頭畫

十日一水五日石古人能事不受迫阿誰妙手握烟
雲淋漓墨汁任狼籍安道昔侍蓬萊宮承

恩

搖筆氣如虹自是胷中富丘壑隨地揮洒奪天工諸
生果否知盡趣各向家中覓絹素乞得瀟疎數筆歸
驚喜從余來索句知君興過顧長康那堪我作陳思
王邇來衰老詩腸澀七步吟成十數行何日與君歸
隱閩山下萬樹松杉來繞舍酒酣潑墨作長歌萬斛
飛泉向空瀉於戲噫嘻促膝高樓誰氏子不留名姓

在人耳冷看人世如奕棊長嘯臨風誦秋水如我與
君齷齪利名中迴首此君嗟晚矣

得一道人曰超脫入化可作長安諸公當頭一棒覺
前題山海圖猶在邯鄲夢中也

辛未初夏同戴文開楊玉符二先生及從遊諸
子南郊射飲醉歌

邊城四月接春光漠漠輕陰晝正長細草叢中舒蝶
粉綠楊深處轉鶯簧鶯簧睨睨初成語似喚遊人覓
遊侶投荒野老不知愁逐隊賓朋來遠墅安道當年

品最高。關西夫子亦人豪。諸英問字能攜酒。童冠春
風屬爾曹。平疇繡錯遠山橫。遼水東來照影清。萬樹
山花難辨種。一林啼鳥不知名。花香鳥韻堪留客。遍
地綠茵重布席。分棚角射氣爭雄。興到狂呼浮大白
須臾上客玉山頽。屢舞僊僊亦壯哉。我謂二公乘興
莫虺隤。青蓮昔日玻璃杯。移向夜郎酌濁醅。

聖主

恩深漢文帝。賈生宣室亦歸來。吾徒方寸但當對天
地。支離潦倒莫疑猜。兔網雉羅安足恤。不能鬼域首
鼠。朶頤搖尾令人哀。二公賈勇傾餘瀝。踟躕歸騎日

之夕。楊柳風來送馬蹄。一聲長嘯遼天碧。

得一道人曰。寫景淡雅入情則磊落豪邁。結句縹緲

幾于江上峯青矣。較之少陵漢陂未知軒輊。

彭海客曰。渾浩流轉而無怒張之跡。

徐周臣以琴見贈歌以謝之。

羲皇握籙協乾精。斲桐宣籟通神明。薰絃譜後增文
武。還真理性元化。并從此仙靈授聖哲。成連牙曠稱
奇。絕騷人清賞。衍新聲。烈士孤懷寄幽咽。龜山空怨
斧柯難。五夜霜飛逐客寒。嶧陽天骨徒供爨。莫向悲

風奏猗蘭憶昔妖霾翳南渤海國孤蹤傷白髮鴈足
書迷薊闕雲冰心淚洒聞江月新安吳叟含天真授
我朱絲寧我神悲歌墨子嗟同調廣陵中散多酸辛
地軸初迴天步窄置罽脫兔雉偏獲神愚不識捕蟬
心鬼禍幾同投宿客落拓邊城走馬牛不聞革子奏
離憂長憶歸風懷送遠何當促柱寫新愁淮海翩翩
徐孝穆麗藻羣推齊二陸貌癯心古神仙姿氣比春
蘭韻秋菊邂逅相逢秋正高聆音不必盡吾曹正襟
拂軫羣囂靜萬仞松風漾素濤從容縱手舒還急百

川東注龍蛇蟄夜闌明月正當窓四座歛容風習習
鼓宮應徵調仍揚冠裳佩玉聲琅琅朱幢羽蓋瑤池
會春曉千官覲帝閭忽然促節音如縷瑣窓兒女相
爾汝如慕如訴語偏長鶴怨猿啼秋夜雨轉調一抹
聲劃然層崖落石欲驚天數點餘聲將住拍空山靜
夜聽流泉八載羈棲困煩霧忽入鈞天疑曉夢何當
倉卒唱驪歌移情恍惚蓬萊洞從來風雅擅河間鍾
期應爲奏高山綠綺贈來千里外東陽舊業喜猶遺
操縵未能愧自譽久滯拘幽誰共語臨池學步奏清

商潛蛟風雨欲飛去

得一道人曰前半借琴自寫可謂信手拈來條條是道後摹寫琴音較之聽穎上人作爲獨絕可無琵琶之疑矣精于此道者自辨之

彭海客曰有清明之氣條貫其中故自不厭其多

題吳門徐生望紅集戲學盧李體

靈威赤文天欲揭闔廬將向姑胥洩東海徐生採藥還騷人肩戶傳丹訣聲牙自喜思渺茫汪洋禦寇詭蒙莊手挽吳江濯肺腸科頭箕踞袒無裳白眼問天

天。湊。沈。紅。塵。塊。北。三。千。丈。家。家。吠。怪。困。愁。城。捕。蟬。一。葉。聊。自。障。吁。嗟。乎。君。不。見。館。娃。本。是。苧。蘿。裝。捧。心。自。照。越。溪。傍。齟。齧。折。腰。宮。婢。笑。強。施。脂。粉。待。君。王。得。一。道。人。曰。溫。李。錯。采。鏤。金。終。少。風。韻。此。結。較。多。逸。致。

題金文瀾谷岳修果圖

壬申仲冬

碧海扶桑玉露泫幾度蓬萊水深淺金支翠蓋巨靈驅雙成萼綠侍雕輿琪樹花明春滿洞紫霞煜煜護丹棟羣真縹緲駕雲輶騰踏蒼螭驂紫鳳雲璈妙拍

奏春波玉液光浮金叵羅懸藜床進嶮嶮棗發日香
浮十丈荷桃熟龍沙期八百赤文綠字銘金冊壺中
日月不知年悟徹功圓共此席天風環珮玉音來瓊
宮寶鑰砉然開霓旌絳節遙相待誰覓靈槎歸去來
得一道人曰似个中人語

題鐵式之書室

畫堂西作讀書屋雕文刻縷施朱綠屏開雲母水晶
瑩帳繞流蘇花氣馥花氣爐香入夢清坐臥居然擁
百城靜取絲桐當膝撫倦攜詩卷繞花行詩律琴聲

堪自適寸陰須惜莫輕擲論史應窮百代源談經定
抗前人席不然吾曹一蠹天地間坐銷歲月老容顏
浮雲顯晦何足論儒生大業在名山

得一道人曰隨手跌宕自有不可一世之槩

金若千為式之以楮作書函貼壁間屬予題句
讀書莫向空言索須識此中有真味世人潦倒行墨
間不如卷束高閣置吾友金子玩世情却于尺幅製
作書函形空函結束不作字一畫未開萬象成爾曹
識得書言不盡意千軸萬卷糟粕矣四時風月盡無

松鶴山房詩集
邊當堦細草自交翠。

得一道人曰撒米成珠遊戲神通何所不可

題壁間楮作秋桐葉

洞庭昨夜秋風起一葉隨風千萬里
騷人拾取寫秋懷秋聲應滿秋江水

得一道人曰楓落吳江正不在多

松鶴老人曰爾時設絳談經諸子在三之說甚篤
難中殊不寂寞曾幾何時而式之列名南宮翺
翔木天比余入都而式之旋赴玉樓空齋且再

易姓矣回首可勝潸然

壽徐元賓

遼海青營地陪京箕尾分當年占王氣此日聚星文

王氣當年鍾

帝里

龍樓鳳閣連雲起地靈獻瑞挺豪英
明良草昧經綸始管籥皆依日月光
攀龍附鳳盡侯王列鼎鳴鐘喧鶴市
金貂劍佩簇鸚行鸚行聯騎入燕畿
豐沛南陽冠蓋稀三垣列宿辰居共
客星偏向

帝鄉

飛

帝鄉

此日多遷容。遭際風雲異。疇昔共憐賈。傅竄長沙又。
見夜郎來。李白謫宦紛紛一載中。蘭臺郎署盡人雄。
共說棠陰遍南國。那堪元老亦居東南州。高士何爲
者。仗義相從來。塞下筆聳秦關氣。激昂盃吞漢月曾。
瀟灑秋色月明遼野渡。石麟天上欣初度。欲挹瓊漿
作壽觴。濁醪邊市寧堪酷。我聞長白山巔萬仞潭。飛
流噴瀑大江三。恨不移來作酒泉。盡澆塊壘日沉酣。
山麓有一德林石玲瓏。空洞三千尺。移作巨觴盡一
舉。便醉三萬六千日落拓。不能爲君壽。一卮空言諧。

謔徒爾爲此地。山川信多奇。兩京有賦君。草之君不
見。鈿母潭馬退山。柳州遺草重人寰。又不見青陽峽
木皮嶺。杜陵詩史闢幽境。丈夫時命不列青瑣班。綵
筆長懸天地間。山靈倘亦待我輩。人地相遭非等閑。
衰衣承

龍

自東還長嘯。相將入玉關。持君詞賦獻

天子

應知有喜動

天顏

得一道人曰。何等自命何等曾。襟縱筆揮洒磊落雄

邁掃盡一切窮愁潦倒搔首問天酸態一代人豪
非過許也

體元以扇頭蘆鴈索題因憶兩弟感賦

鶴。鴿。原。上。西。風。急。風。吹。蘆。葉。何。蕭。瑟。萬。里。長。天。字。一。
行。參。差。吹。向。蘆。中。立。小。洲。水。草。碧。連。天。下。下。高。高。盡。
菜。田。處。處。稻。梁。謀。自。好。家。家。棲。息。共。安。然。獨。憐。隻。羽。
驚。雲。路。上。苑。書。來。君。不。顧。毛。摧。翅。禿。入。虞。羅。淒。涼。回。
首。雲。山。暮。雲。山。日。落。夢。衡。陽。分。明。儔。侶。傍。瀟。湘。誰。家。
聚。首。多。兄。弟。掩。袂。吟。吾。蘆。鴈。行。

得一道人曰感慨淋漓淒其欲絕矣以此位置棠棣
角弓間未知誰能使人下淚最多也

題吳道人扇頭畫菊

癸酉季秋

延陵道者多奇訣潑墨寫此凌霜傑傲骨不隨秋草
萎寒香卓與羣芳絕寫成起舞影婆娑琪花瑤草復
如何道心清迴聊爾爾屬我揮毫作浩歌我謂道人
神自曠却向此間留色相倘是爲余戲寫真二十年
來倔强狀李自白今桃自紅妖艷都憑造化功偷得
春光爭媚好西風苦戰有誰同松柏從來號歲寒又

聞君子比琅玕。東籬高致君知否。不是騷人未許餐。
近喜從君聞大道。含英葆華方是寶。那爲題畫去尋
詩。得醉花前便道好。

得一道人曰。此等題若無此等氣槩。便可不作語語
本色。所以爲佳。

甲戌夏定侯以扇頭畫屬題感賦

遼山蒼蒼遼水長。山花雜樹擁奇芳。文禽翠羽不知
數。頡頏下上自迴翔。妙手騷人工寫物。墨池飛洒枝
頭綠。衆香深處暫停棲。似貌新鶯初出谷。我聞丹丘

有鳳凰。居梧食竹鳴高岡。此日來儀應獻瑞。胡乃戢
羽自潛藏。又聞鵬飛自北極。扶搖便作垂天翼。天路
迢迢豈可窮。雄心猶寄六月息。天生神物固有時。非
時隨遇亦安之。鴻鵠四海竟何歸。莫嗤斥鷃依藩籬。
吁嗟乎。世路嶽崎多網羅。勿誇羽翮任婆娑。願向故
園枝上宿。隨時飲啄樂如何。

得一道人曰。隨事寄慨。皆有磊落不羣之概。莫作題
畫詩草草讀去。

汎小舟渡遼水。過劉叟居處。歌以壯之。

買車將踏長安路。停驂夜宿遼河渡。故人劉叟指余言。水外蒼茫我居處。沙明漲退蓼花秋。村酒醅來架小舟。整整斜斜看過鴈。三三五五逐輕鷗。鷗鷺避人向何許。溯流曲折趨前浦。草深湍急舟不前。攀荻牽葦代雙櫓。今歲禾淹蟹却肥。居人結穗傍漁磯。岸傍得酒持螯飲。入市傾筐換米歸。此地從來魚蟹鄉。捉蟹驚魚入小航。漫向孟津誇聖瑞。且供村老佐壺觴。觴傾望見劉居所。秋水連天中一嫗。廿里不聞人語聲。時有漁船自來去。須臾小犬吠葦叢。數椽茅屋夕

陽中亂木支撐勢。傾側穿雲漏日迎。秋風劉叟喧呼有客至。炊梁煮蟹無兼味。酒酣耳熱口懸河。嗚咽爲余陳往事。當年

玉輦向東來。牙檣朱纜錦帆開。迴

蹕龍舟藏北岸。荒亭廢閣生莓苔。痛余往日逢饑歲。丐米

官倉遭吏恚。炎天荷校更加箠。負痛被驅來守視。四望無烟荆棘高。孤洲夜靜有狼嗥。携妻挾被神偏爽。敲火蒸糜氣更豪。暑月蚊虻偏作惡。迎頭刺面皆銛鏑。夜來風雨漲浮天。急起又防船漂落。秋往冬來朔

雪飄行人捨渡問浮橋。門前車馬知何事。差與村翁
慰寂寥。潦倒年來生計熟。馬健羊肥不用穀。雞豚隨
地噉。生芻更養鵝兒如錦簇。迴首當年恨正長。一絲
呼吸斃桁楊。識得死生天意定。寧知人事有滄桑。滅
門威福成何用。丹旄素車徒一夢。父老何人奠勺漿。
河干翁媪聊相送。我聞此語意悄然。謂劉往事莫拳
拳。人生飲啄皆前定。倘是河濱有宿緣。太息徘徊日
已夕。遠村斜月催歸客。踈星數點傍舟還。獨鶴一聲
遼水碧。

得一道人曰此事傳之筆墨大可爲貪酷吏之戒寫
景處確是詩中畫非名手恐畫不出末幅開戶視
之不見其處不過爾爾

江上女郎歌題畫 乙亥夏仲

江上芙蓉艷欲浮。閨人倦繡且行遊。青鬟聊試桃葉
渡。女郎仍上木蘭舟。木蘭舟上弄輕楫。浪花輕舞如
飛雪。雲影天光一鏡收。低頭顧影轉愁絕。兒時插柳
已成圍。年年桃李鬪芳菲。波間兩兩魚兒戲。洲上雙
雙燕子飛。燕子去。鴈來朝。復暮。踟躕忍把年華度。漫題

紅葉寄深心。一葉隨風不知處。晚風斜照。曲江頭隱。
隱雲間。月半鉤。採得好花聊一笑。清歌一曲。自悠悠。
得一道人曰。無聊自傷。宛轉自慰。怨而不怒。其三百
篇之遺乎。

題扇頭兩美人

長夏風微。蕉正綠。大地芳菲如錦簇。盡欄深處。珮環
聲膩。粉輕脂香。馥馥步搖。七寶擁盤。龍翠袜紅。綃穩
稱。曾共擬。連城雙拱。壁更驚出水。兩芙蓉。當年一顧
曾傾國。金閨春去。無消息。回首何堪。休細論。相憐相

視。應相得。款步庭前。笑語和桐陰。深處漫婆娑。拈花
微笑。誰知否。脉脉關情。歛翠蛾。誰道蛾眉不讓人。祇
緣形穢。自生嗔。試看兩美。真相合。解珮投珠。莫厭頻
得一道人曰。脂粉中有此識。見羞殺天下媚嫉鬚眉
矣。快論

題扇頭畫

朱夏薰風。晝正長。松花滿徑。一林香。從容杖屨。何方
客。兀坐莓苔。對夕陽。夕陽遠。水連天。淨沙鷗漠漠。自
相映。靜對忘言已息機。世人莫許。通名姓。姓名一自

落。簫。塵。難。問。山。巔。與。水。濱。桂。伐。膏。煎。徒。自。取。那。得。桃。
源。再。問。津。君。不。見。廟。中。犧。絡。頭。朱。紵。飾。金。羈。又。不。見。
太。上。龜。荆。墨。何。如。尾。曳。泥。世。途。榮。辱。誰。能。定。得。失。紛。
紜。何。日。竟。不。如。屏。息。守。吾。真。百。體。悉。聽。天。君。令。吁。嗟。
乎。滿。前。生。意。任。婆。娑。閑。來。且。酌。金。叵。羅。目。送。歸。鴉。到。
空。碧。拂。袖。凌。風。一。浩。歌。

得一道人曰題畫不可無此撇脫之作覺摹少陵者
猶下乘也

代壽輔國公太妃 丁丑夏仲

瑤池紫氣接銀河。錦幌欣懸樂事多。青鳥飛來傳玉
邱鸞笙須譜九如歌。歌成好授蓬壺客。萼綠麻姑齊
按拍。甫見東山頌袞衣。采蘩又咏關雎德。關雎餘慶
衍螽斯。繞膝慙連玉樹枝。學語聊隨萊舞後。含飴歡
笑萬年期。
得一道人曰秀潔不塵

題扇頭美人

薰風五月北窓涼。絲柳垂垂覆淺塘。飛去飛來雙燕
子。相偎相倚兩鴛鴦。午倦佳人初睡熟。何處蕭蕭南

松嶺山房詩集 卷之二十七 言古二十九
岸竹徒倚推窗隔檻窺萬樹參差敲綠玉款步庭前
却復移折花臨水暗驚疑鬢亂釵橫頻整理个中女
伴未應知知心聊向琴心寄一曲秋鴻如有憶輕烟
裊裊博山寒花前織得璿璣字璿璣字少意偏長悠
悠歲月減容光珍重雙魚吹浪去緘將錦字獻君王
得一道人曰借畫傳情忠厚之旨可挹

題洞天春曉圖

春山春樹鬱葱葱萬仞松濤挾曉風怪石嵯峨橫古
道遠峯明滅碧烟中烟水冥濛同一色飛泉界道流

何急行蹤杳絕石梁通穿雲插岫如長虹虹梁兮作
渡洞天曉兮無朝暮長嘯兮水聲中抱膝兮雲深處
胡不驂鸞兮赤城胡不躡飛龍兮玉京不矜絳節與
霓旌含真葆和宅太清清吾神兮滌吾腑漱瑤英兮
餐玉乳花滿洞兮長春薜荔垂兮猿鶴舞猿鶴舞兮
歲月長玉籍書名兮達帝閭帝心愉兮曰予其汝貺
錫千齡兮樂未央
得一道人曰非門外漢所能道

題宗室輔國公奉天官民送別圖

戊寅夏仲

端陽月涉遼河渡買車將問長安路忽聞

天語

名將軍舉國悲如戀父母旬有一日整行裝都人設

帳大道傍冠蓋兜鍪紛雜還疲癯穉叟盡倉皇留守

年來多文武今朝一事足千古何修能使衆心同下

車竊聽輿人語瓊筵四座諸曹卿主持國是有公評

時清將帥無奇績寬和廉靜卽長城我公盛德不可

數恩威務令歸

明主

執法如山不肯私虛公衆論兼採取臥治陪京十一

年治大真如烹小鮮吾曹久煦春風德此別何堪意

惘然夾道偏裨環立馬謂公此日何爲者賞罰從來

秉至公事權小大無寬假爲國憐才意獨過因人器

使不煩苛駑駘不任天閑選母乃吾輩累公多荷戈

甲士更淒然我等戴公如戴天兩度北征甘苦共臨

戎帥士獨居先差役均平無濫使小過示寬而已矣

年來饑饉屢從軍賴公撫我如父子紛紛耆叟豆漿

迎擁道攀轅馬不行共言不覺公尊貴但覺公親繫

我情我遼舊俗本淳樸耕鑿相安少訟獄後乃習僞

長蒿凌公來亟欲挽其薄近人平易意謙謙家政森

如國法嚴令簡刑清化寧一市塵不擾戶安然堯湯
盛世偏旱滂公秉齋虔躬步禱憂

國憂民格昊穹萎潤枯回復堅好歲歉封章欲控

天有司不便故遷延仁人一語真利溥事雖未果願公賢
幸蒙

聖主澤汪濊水運陸輸恩大沛盜息民安雞犬寧生全休

養賴公惠

九重天子念民依誰爲借寇達

黃扉念我命公作父母如何翻令我公歸最憐鵠面鳩形

侶手執瓣香淚如雨吾曹誰識王與公全我餘生即
吾宇乞兒儉歲那能存棄捐自分溝中魂米價十倍
不絕食實賴兵民尚飽溫此日傾城輟市送兼來遠
近緇黃衆縉紳衿士共咨嗟緇衣袞繡成謳誦輪蹄
紛籍遼河濱灑淚慙慙意未伸更將款曲向公陳從
公乞得一車茵城西五里生祠建供公茵如見公面
祠下兵民列姓名紀德無嫌卑與賤賤子近陪梁苑
客涓埃何補高深德幸追馬足聽驪歌不事張皇唯
紀實放歌縱筆灑長篇篇述輿頌遺後賢瞻禮公祠

讀此歌甘棠遺愛萬斯年

得一道人曰大僚庶屬行伍者民人各有言言各有體真樸之意如見信寫生筆也乞見之論更真更確地方有司肯念及臨行一段蹻跣皆思作龔黃矣有關世教之篇

題畫漁家樂

洞庭兮秋風北渚兮芙蓉水天兮一碧雲山兮萬重望美人兮一方願解珮兮焉從獨勞心兮徬徨長太息兮攻中兩美合兮有期神物隔兮終逢曷駕言兮

出遊縱一葦兮何窮循澗草兮萋萋聽流泉兮淙淙竿嫋嫋兮投之魚鄰鄰兮奏功聊假物兮泳游終息機兮鴻濛甫望洋兮利涉既躋岸兮寧蹤聊繫維兮柳陰掛匏樽兮短筇行負薪兮得火將膾鯉兮朝饗燕燕兮下上草樹兮豐茸班荆兮倚石得侶兮融融已耦俱兮何猜機隱顯兮孰通陰陽開闔兮有時相視莫逆兮化工江月兮浮白夕陽兮影紅長嘯兮籟寂放歌兮調終望遠峯兮極目任泱泱兮太空得一道人曰寓意超曠中有精理近魏晉人之達不

入宋人之腐由其着想之高運筆之靈故也

題許月溪歲寒書屋

歲紀攝提夏之季。重晤月溪長安市。數椽書屋陋巷中。四壁寒風動地起。峻嶒怪石臥復橫。怒虎奔猊氣未平。激瀑鳴湍瀉空澗。疊冰飛雪日無精。古洞懸崖勢復峭。中有猿啼與鬼嘯。那得春風到此間。造物如何心獨悄。豈知真宰意偏長。數枝瘦影奪春光。枯藤衰草飄蕭際。鐵幹橫斜露暗香。別有凌虛君子節。高標不減菁葱色。敲金戛玉態瀟疎。拂日干雲品自逸。

忽聽濤聲天上來。千巖萬壑殷如雷。鱗張爪攫不可狀。鯨翻龍變孰能猜。阿誰潑墨傳奇蹟。周郎江左自人傑。許子欲畱萬古心。興來命寫千秋筆。自言締交三十年。升沉聚散如雲煙。意中屈指數君子。肝膽鬚眉借此傳。我只傳心不傳面。披襟斗室遙相見。桃紅李白豈無芳。蒼涼寒歲知誰健。嗚呼噫嘻我亦圖中位置客。冰天雪窖凌空碧。九天風雨忽飛來。試作龍吟君按拍。得一道人曰。豪宕中有深細處。未許粗心人領略。

爲顧宗伯題畫

雨暗千峯如翠涅。雲吞萬樹半明滅。柴門高閉不聞聲。繞戶飛泉石上咽。此際幽人憩草堂。北窓一枕夢羲黃。肯計昨晴今夜雨。一任山高水自長。

其二

蹇驢日踏春郊路。挈榼提壺無朝暮。興來乘露早尋芳。山月朦朧掛高樹。樹際低牆一帶斜。小橋北渡有人家。滿屋春光藏不住。千枝萬朶映朝霞。霞光煥爛牆東角。急令小奚勤剝啄。看竹無須問主人。尋花須

爾同斟酌。主人花底一茅亭。三丈日高華戶扃。那間看花門外漢。夢繞花魂未肯醒。

得一道人曰。前首題雨景當爲絕作。其二則字字皆畫字。字字化境矣。

其三

山巖嶮兮孤矗樹。蚬螺兮爭簇。泉瀾瀾兮遠村。石磊磊兮疊屋柴門。畫扇兮不聞聲。伊人兮在空谷。得一道人曰。卽宛在水中央。意也。雲林作畫亦爾。世俗所云妄矣。

蒙

賜

御書

恭紀

聖恩

歌有序壬午季冬臣陳夢雷恭

進伏以

乾坤

廣大勾萌咸荷覆載之仁

日月

光明幽蟄共仰照臨之德藿葵志專傾向竟沐陽和

犬馬念切依歸終蒙撫育敢謂微誠上達實緣

大造

垂慈臣夢雷樗櫟菲材駑駘賤質謬叨甲第

特

簡蓬瀛值邊海之風塵宜捐糜其頂踵乃覆巢矢節痛難等于趙苞忍死全親志僅同于徐庶將甘嬰乎

斧鑕他生再答

皇仁

猶免竄于荒遐此身得依

帝里

髮膚所賜無非

君父

之再生方寸堪原重沐

慈恩

之三宥

鑾輿

東幸獲覲

天顏

輦輅西還親承

溫綽朝野傳為盛事。儒紳述為美談。

賜宅欣瞻禁城承

詔許隨

邸仰眾恩而跋踏。幾疑夢陟鈞天趨。

殿陛而屏營。恍訝身登蓬島。恆懼報稱之無狀。忽蒙

寵渥之游。加珍箋。暫啓燦萬頃之煙霞。玉版乍舒。洒九

天之風雨。龍跳虎卧。較戈法而逼真。鳳翥鸞翔。逾弩

張而盡善。筆由中而鋒勁。合柳公權正心之言。墨取

澹而姿清。採杜少陵通神之論。允六合之鴻寶。洵百

代之鉅觀。臣學愧剗蕉。功慙書柿。分榮不殊。侍從高

捧兩袖。天香叨

寵得後公卿。遠眺盈門瑞氣。

恩再三而逾分。報萬一以何能。刻骨竭誠。猶願抒忠于奕

世。撫心雪涕。聊伸積愜于永言。臣曷勝踴躍懼忭之

至謹。稽首頓首而

獻歌曰

三才位列顯圖書。義畫倉文太古初。草隸真行垂八

法鍾王魏晉立權輿

聖神首出鴻濛判三五同符歸一貫依仁游藝道自兼奎

聯壁合

天章煥

明良喜起泰交隆

御墨時頒出禁中共眺雲霞明斗極羣瞻日月麗蒼穹列

卿蒙

賜矜殊遇侍從承

恩亦異數葵藿傾心向太陽小草難言希

雨露

朱邸傳呼

上苑回

瓊章寶軸燦然開

殊恩竟得瞻

天近

寵渥幾同捧日來受

詔驚疑復却立疑夢疑真情轉急請觀厚地與高天稽首

難言惟感泣萬死微臣只寸心至仁三省

主恩深投荒敢冀依

鑾輅解網還叨侍

禁林從此

天顏覲咫尺鏤心刻骨期成碧子孫世世仰

宸章犬馬難酬歌

聖澤

臣夢雷 壬午之歲五歲之女三歲之男相繼以痘

殤傷感成疾蒙

王賜飯力疾詣謝

恩適蒙

至尊垂問

王以實

奏

上深憫念

御筆特書萬樹江邊杏新開一夜風滿園深淺色照在綠

波中二十大字以

賜而時臣已將入城

王遣騎追回宣

旨畢驚疑如夢中已乃感泣叩頭伏地不能起

王入

奏

上臣加憐之曰朕活之至此而三矣其感泣宜也

王歸宣

上旨伏思不可無詩以

謝遂勉力爲此書二紙僅畢未及粘連已伏枕不能支

王命取視親爲粘綴以

進復得

溫旨

王乃遣使護進城命醫視脉且諭之曰雖夜深必啓聞

使回弘雅園夜三鼓

王已安寢立命燭視見醫啓帖稱脉已散

王深憂之旦日問者絡繹而臣夢雷感激意外之

聖恩且恐以愚賤之軀爲我

王憂也自力起內視還元不數日病愈

王喜見顏色伏惟罪廢小臣尺寸未効乃沐

聖天子非常之恩

賢

王春念之切一至于此雖頂踵捐糜何足言報用是恭紀其實以示子孫俾世世竭犬馬之萬一云爾

臣陳夢雷稽首頓首恭紀

得一道人曰以在位詞臣所不敢望者一旦得之信同于再生矣不事奧援不工逢迎竟若家人父子後世當為興感况躬受者乎病中之作原非刻意求工實境實情信手寫出尺幅中聲與淚俱誠能格天非虛語也
又曰情文相生處自有老手之妙非容易可到

送蕭道人回吉水

丁亥孟秋

秋滿長安月正明園中萬樹作秋聲
高人理楫問秋水動我秋風鱸膾情
鱸膾秋風莫漫說巢由有命非人傑
老就兒孫未足奇賣藥當年真妙訣
逸翮不受樊籠羈和光俯視廟中犧
術挾岐黃轉生死嘯傲王公任爾為
非仙非釋非吾道無榮無辱無煩惱
來不訊今去不辭信口機鋒皆絕倒
一局閑中日月長華胥是處晤羲皇
脫巾倨侮鄴侯第辟穀時來訂子房
匡廬今踐洪崖約飄然杖屨遼東鶴
幔亭峯上我歸

時並駕赤城無宿諾

得一道人曰巢由有命此語他人未許道亦未敢道
至爲此道人寫生處真妙手也

顧宗伯有徘徊青史案之句命爲題扇

天。清。地。寧。萬。象。揭。溟。渤。無。波。星。海。洌。莘。野。歸。來。負。鼎。
翁。鷹。揚。請。老。磻。溪。傑。光。芒。上。貫。斗。牛。宮。曾。中。浩。氣。如。
虹。蜺。置。身。直。在。崑。崙。巔。俯。視。崑。嶺。皆。蟻。垤。靈。威。赤。文。
天。欲。洩。吹。藜。太。乙。傳。真。訣。權。衡。千。古。關。鴻。濛。百。城。坐。
擁。仗。旌。節。有。時。義。憤。觸。真。剛。裂。背。欲。磔。窮。奇。舌。時。傷。

烈焰崑岡焚願挽天河潑冰雪否運憐丁百六辰思
挽天綱爲再綴想公拍案咨嗟時貞魂義魄含幽咽
披襟擊節高歌處河嶽英靈皆感悅嗚呼噫嘻百代
興亡供一瞥乾坤那得無杌臬是非不復關榮辱得
失何須論巧拙升沉理亂總由天忠臣孝子留心血
方寸光明宇宙間青史由他漫論列我且爲公歌一
曲唾壺如意莫教缺

得一道人曰推倒一世之智勇開拓萬古之心曾才
氣似矣少此心血石破天驚霜重鼓寒奇警則有

之未堪咀嚼也。若夫掇拾剩粉殘脂，不關痛癢，又何足數哉。

題挽東甌陳貞女

戊子季夏

薄。俗。鬚。眉。甘。媠。褻。乾。坤。閨。閣。鍾。人。傑。扶。輿。氣。肅。東。甌。
揭。凜。冽。貞。篁。灑。冰。雪。玉。樓。期。促。修。文。訣。鵲。橋。夢。斷。雲。
縞。裂。鏡。裏。孤。鸞。濺。頸。血。倉。皇。骨。肉。悲。留。切。總。帳。秋。風。
泣。幽。咽。縞。練。三。春。同。一。瞥。絕。粒。吞。聲。完。大。節。共。痛。蘭。
摧。欽。玉。潔。日。月。同。光。長。不。滅。女。貞。堪。並。首。陽。烈。
得。一。道。人。曰。柱。促。調。悲。題。挽。閨。貞。宜。此。種。筆。

驥仲以西山遙寄圖索題書以示之

己丑夏仲

帝。京。須。識。何。爲。吾。輩。事。仰。瞻。
丈。夫。襟。懷。同。天。地。萬。象。包。羅。入。胷。次。讀。書。萬。卷。遊。

宮闕

高巍峨吾

君堯

舜如何致。俯視纍纍道傍瘠。納溝自我思。撫字大鵬

六月有息時。顯晦浮沉寧介意。當其兀坐斗室中。六合八荒實吾寄。陋彼魏晉清談人。徒挹西山之爽氣。譬若威鳳視虬蟉。大小高卑趣各異。年老不知月露與風雲。聊書所懷拓爾志。

得一道人曰唯爵祿不入于心始說得此翻案文字
奴顏婢膝者未許藉口

宿梁家園讀諸公和坡公戲子由韻學步書懷

呈林鹿原 壬辰孟秋

人生隨地有丹丘。粒可須彌芥可舟。君居高廠俯滄
洲。開窓有石爲點頭。老我平臺十五載。曳裾猶幸少
貽羞。邇來賜宅環水樹。卜居較勝我爲優。彼此過從
皆不惡。得閑便作汗漫遊。老我年來倦詩律。閉關差
得黃中術。餐粟須知淡味長。食蔗到頭甘似蜜。翻雲

覆雨任滄桑。潦倒莫爲權豪屈。奴顏台鼎亦勞勞。探
丸閭巷擁麾旄。但當拍掌浮大白。詎因若輩生牢騷。
蠅營狗苟真堪恥。鬼錄寧煩吾折筮。蘇君時在復何
言。牛馬任呼姑唯唯。丈夫志業自千秋。冰山今古能
留幾。吁嗟乎故園何日問歸程。補天浴日不留名。先
憂後樂吾曹事。那計浮雲重與輕。

得一道人曰壯懷磊落不可一世咏懷詩安可無此
氣槩或以少溫柔敦厚爲疑是未讀巷伯之章也
病後讀坡公年譜慰二兒 癸巳孟秋

本嶺山房詩集
卷之二十一
坡公行年六十三謫居儋耳儲爲米官舍不容自築
室昌化士人助泥水桄榔樹下笑題詩幼子扶持相
慰耳我賢未必速坡公萬斛泉源敢謂同潦倒依然
侍

朱
邸兒孫遠膝樂無窮城內聚居有華屋郭外別業丘
壑中今歲麥多十數斛更饒蜀黍豐嘉穀雞豚喧突
聒人耳野鶩鵝兒如錦簇農家風味果堪誇老饕不
用嗟枵腹趙壹囊空何必憂幸無酒債未曾酬僕人
不耐寂寞者願贖隨之任去留老人異膳况病後且

潔飲饌殊常羞天之生我或有意此番不死知之矣
顛倒是非萬卷中千秋公論憑誰寄且養殘軀任運
遊海闊天空何芥蒂

送張慈長南歸

羲皇一畫開先天。倉聖鴻濛鳥跡傳。九章作繪勳華
先。傅巖入夢肖形焉。麟閣雲臺將相翮。長康阿堵得
神全。後來曹霸差比肩。君家僧繇踞其巔。點睛飛龍
出九淵。君繩家學藝更專。杖屨長安似偃佺。王公倒
屣加敬虔。投縞贈紵車騎聯。於戲噫嘻丈夫七尺自
巍然。何不圖形掛凌烟。強將面目比嬋娟。塗脂抹粉
丐人憐。豈真癡骨待皮妍。能使尋常行路便。英賢不
然。胡爲屨滿戶。限穿君家玉樹拂雲邊。一日千里待

騰騫不爲豪家寫風鳶。却與老醜偏作緣。畫我松下
揮七絃。泠泠三峽聽流泉。我居水村遠市塵。擬君喬
梓長周旋。曲水流觴醉後眠。君忽望雲歸。思牽便欲
促裝問鱸尊。我得隨君甘執鞭。樊籠羈困徒悵悵。君
歸龍灘好扣舷。名流投贈詩百篇。携祝萱花千萬年。
萊衣遶膝共翩躚。不須更羨地行仙。請君揮翰染雲
箋。便寫華堂慶壽筵。

